

玉海



040

1000:68

34876

玉海卷第一百七十六

汝儀王應麟伯厚甫

食貨

田制

古者井田之興必始於唐虞夏商葺治至周大備  
因口之衆寡以授田因田之厚薄以制賦畫溝洫  
謹步畝嚴版圖經界既定仁政自成其法自春秋  
時已壞晉作爰田則賞衆以田易其疆畔矣魯初  
稅畝則履其餘畝十取其一矣用田賦則二猶不  
足重困農民矣鄭子駟爲田洫而四族皆喪子產

使田有封洫而謗以伍田疇則溝洫廢矣晉欲使齊封內盡東其畝而戎車是利則疆理廢矣管仲作內政楚爲掩書土田亦頗改周典之舊矣戰國兵農浸分孟子言王道之始魏惠王以爲迂滕文公問井地卒莫之行自秦孝公隳經界開阡陌而兼并僭踰興矣漢承秦舊董仲舒請限民名田師丹諫言限名田言未嘗行也趙過教民爲代田乃耕田之法非受田之制下及漢唐風流已遠然其授田有口分世業皆取之於官其歛民財有租庸調皆計之於口其後變爲兩稅戶無主客以見君

爲簿人無丁中以貧富爲差貧急於售田則田多  
稅少富利於避役則田少稅多僥倖一興稅役皆  
弊旣無振貧之術又許之賣田後魏以來弊法也  
唐志謂口分世業之田壞而爲兼并似指以爲井  
田失之遠矣

### 黃帝丘井法

李靖問對黃帝立丘井之法因以制兵故井分四道  
八家處之其形井字開方九焉 通典黃帝經土設

井立步制畝使八家爲井井開四道而分八宅鑿井

於中 詳見郡國類



堯墾田

通典堯遭洪水天下分絕使禹平水土別九州冀州  
厥田惟中中兗州厥田惟中下青州厥田惟上下徐  
州厥田惟上中揚州厥田惟下下荊州厥田惟下中  
豫州厥田惟上中梁州厥田惟下上雍州厥田惟上  
上九州之地定墾者九百一十萬八千二十頃禹  
貢咸則三壤成賦中邦注田上中下三品成九州之  
賦至制正義禹貢注曰一井上上出九夫稅上中  
八夫上下七中上六中中五中下四下上三下中二  
下下出一夫稅有九等故以井田計之以一州當一

井與周禮九等又不同冀上上出九百萬夫之稅  
下下出一百萬夫之稅鄭玄謂地形高下爲九等  
肅云廩肥瘠爲九等

禹丘甸法 九州賦法

詩信彼南山維禹甸之

甸訓曰乘 稍人淫曰

箋禹

治而丘甸之六十四井爲甸甸方八里居一成之中

成方十里出兵車一乘以爲賦法

周語先王規方千里以爲甸服 王

制千里之內爲甸

正義韓奕箋云禹甸之者決除其災使成

平田定貢賦於天子是以治爲義也地官小司徒四

丘爲甸稍人掌令丘乘之政令郊特牲云丘乘共粢

盛丘十六井甸六十四井邑方二里丘方四里甸方八里  
匠人注云方十里爲成成中容一甸甸方八里  
出田稅緣邊一里治泚論語注引司馬法云井十爲  
通通十爲成成出革車一乘若然一乘爲七十五人  
而左傳說夏少康有田一成有衆一旅十里有五百  
人者計成方十里其地有九百夫之田授田有不易  
一易再易通率二而當一有四百五十人其中上地  
差多則容五百人也其出兵夫則衆不盡行故一車  
士卒唯七十五人少康盡舉大衆故與出賦異也孫  
毓云禹除洪水之災未及丘甸其田也且井邑丘甸

出於周法虞夏之制未有聞焉今以周法爲虞夏之說非其義也然禮運說大道旣隱而日以立田里則三王之初有井甸田里之法論語說禹盡力乎溝洫與匠人井間有洫同也臯陶謨畎澮距川與匠人同間有澮專達於川同也是則兵甸之法禹之所爲少康之在虞思云云於是則十里爲成非周之賦法也

襄四年傳曰茫茫禹跡畫爲九州九州尚畫其界是田之經界須畫之也

詩倬彼甫田歲取十千箋於井田之法則一成之數也正義曰

司馬法計之

甫田正義史傳說助貢之法唯孟子爲明

食貨志云九天八家共之各受私田百畝公田十畝

是爲八百八十畝餘二十畝爲廬舍其言取孟子而失其本旨何休注公羊范甯解穀梁趙岐注孟子宋均說樂緯咸以爲然理不可通何則言其中爲公田其中央百畝共爲公田不得家取十畝也言八家皆私百畝則百畝屬公何得復以二十畝爲廬舍也言同養公田是百家共理公事何得家分十畝自治之也禹貢注上上出九夫稅下下出一夫稅通率九州一井稅五夫以禹貢九州之賦法凡有九等鄭欲品其多少遂以九井擬之非其實稅之也 禹貢正義鄭玄云服治田出穀稅也甸主治田故名甸下云納

粟米

幾公田

民出古者公田藉而不稅注藉借也借民力治公田  
美惡取於此不稅民之所自治孟子曰云云則所云  
古者謂殷時正義劉氏皇氏曰夏時民多家得五十  
畝而貢殷時民稍稀家得七十畝而助周時民至稀  
家得百畝而徹熊氏說夏政寬簡一夫之稅惟稅五  
十畝殷政稍急稅七十畝周政極煩皆通稅孟子  
殷人七十而助惟助為有公田注惟殷人之助為有  
公田朱氏注夏時一夫受田五十畝而每夫計其五

畝之入以爲貢商人始爲井田之制以六百三十畝之地畫爲九區區七十畝中爲公田其外八家各授一區但替其力以助耕公田而不復稅其私田周禮一夫授田百畝鄉遂用貢法十夫有溝都鄙用助法八家同井耕則通力而作收則計畝而分故謂之徹貢法固以十分之一爲常數惟助法乃是九一而商制不可考周制公田百畝中以二十畝爲廬舍一夫所耕公田實十畝通私田百畝爲十一分而取其十蓋又輕於十一矣竊料商制亦當似此而以十四畝爲廬舍一夫實耕公田七畝是亦不過什一也

小正初服于公田。注先服公田而後服其田也。公

羊宣十五年。古者什一而藉。什一者天下之中正也。多乎什一。大桀小桀。寡乎什一。大貉小貉。什一行而頌聲作矣。

周井田 井牧 文王平土法

禮小司徒經土地而井牧其田野。九夫爲井。四井爲邑。四邑爲丘。四丘爲甸。四甸爲縣。四縣爲都。以任地事而令貢賦。注昔夏少康有田一成。有衆一旅。一旅之衆而田一成。則井牧之法先古然矣。疏鄭司農云。井牧者春秋傳所謂井衍沃。牧隰臯。玄謂隰臯之地。



九夫為牧二牧而當一井今造都鄙授民田有不易

一易再易通率二而當一。是謂井牧。此制小司徒經

之匠人為之溝洫。相包乃成。方百里為一同。積萬井

九萬夫。其四千九十六井三萬六千八百六十四夫

出田稅二千三百四井二萬七百三十六夫治洫三

千六百井三萬二千四百夫治澮井田之法備於一

同。今止於都者。采地食者皆四之一。其制三等。百里

之國凡四都。五十里之國凡四縣。二十里之國凡四

甸。一都一縣一甸之田稅入於王。劉敞曰。受田之制。一夫百畝。小司徒

自井而差之。以至於都。匠人自井而差之。以至於同。遂人自一夫差之。以至於萬夫。溝洫自遂差之。以至於

同。遂人自一夫差之。以至於萬夫。溝洫自遂差之。以至於

于川其餘自徑  
差之以至于路

大司馬

見兵制  
軍賦

易氏曰遂人總九

千二百一十六夫之成數故曰萬夫詩人總三十二  
里之成數故曰終三十里然未必盡如界畫棋局一  
一爲開方之法蓋有井牧焉井則上地中地下地之殊牧則  
不易一易再易之辨計以中數大率以三夫受六夫之地

詩籛

大王

廼疆廼理廼宣廼畝注疆理其經界時耕其田畝

孟子文王治岐耕者九一注使岐民修井田八家耕  
八百畝其百畝以爲公田及廬井故曰九一

西伯制  
其田里

通典周文王在岐用平土之法以爲治人之道地

著爲本故建司馬法六尺爲步步百爲畝畝百爲夫

夫三爲屋屋三爲井井十爲通通十爲成成十爲終  
終十爲同同方百里同十爲封封十爲畿畿方千里  
民受田上田夫百畝中田夫二百畝下田夫三百畝  
歲耕種者爲不易上田休一歲者爲一易中田休二  
歲者爲再易下田三歲更耕之自爰其處農民戶人  
已受田其家衆男爲餘夫亦以口受田如此士工商  
家受田五口乃當農夫一人此謂平土可以爲法者  
也若山林藪澤原陵淳鹵之地各以肥磽多少爲差  
民年二十受田六十歸田七十以上上所養也十歲  
以下上所長也十一以上上所強也亦見漢志

王

制正義案大司徒不易之地家百畝一易之地家二  
百畝再易之地家三百畝地唯有三等者大司徒言

其大綱其實不易一易再易各爲三等則九等也

注云自二人至十人爲九等 易氏以爲此造都  
鄙之法非授田之法先儒以爲鄉遂異制失之矣案

異義左氏說賈逵注山林之地九夫爲度九度而備

一井藪澤之地九夫爲鳩八鳩而當一井京陵九夫

爲辨七辨而當一井淳鹵九夫爲表六表而當一井

疆潦九夫爲數五數而當一井偃豬九夫爲規四規

而當一井原防九夫爲町三町而當一井隰臯之地

九夫爲牧二牧而當一井衍沃之地九夫爲井賦法

積四十五井除山川坑岸三十六井定出賦者九井  
則千里之畿地方百萬井除山川坑岸三十六萬井

定出賦者六十四萬井長轂萬乘異義所云通山林  
藪澤九等言之鄭注小司徒據衍沃平地言之所以

不同異義九等據國中山林至衍沃周禮九等據授

民地肥瘠禹貢九州有上中下九等與周禮又不同

注云農夫皆受田於公肥墾有五等收入不同正義曰案周禮地有九等從十人至二人此地唯五等自九人而下至五人夫司徒所云農夫授田此準庶人在官之祿最下者猶五人

左氏傳襄

二十五年楚蔦掩爲司馬子木使庀賦數甲兵蔦掩

營土田度山林鳩藪澤辨京陵表淳鹵數疆潦規偃

豬町原防牧隰臯并衍沃

下平曰衍沃有溉曰沃

量入脩賦賦車

籍馬賦車兵徒卒甲楯之數注書土地之所宜淳鹵

墉薄之地表異輕其賦稅疆界有流潦者計數減其

租入隄防間地不得方正如井田別爲小頃町隰臯

水涯下濕爲芻牧之地衍沃平美之地則如周禮制

以爲井田六尺爲步步百爲畝畝百爲夫九夫爲井

量九土之所入而治賦稅正義自度山林以下有九

等賈達以爲賦稅差品其注云云衍沃之地畝自爲

夫九夫爲井周禮小司徒鄭玄云云是鄭賈同此說

也案周禮授民田不過再易唯有三當一耳不得有

王洛卷百七十二  
四百二十一  
九當一也。度鳩之等皆爲九夫之名。經傳未有此目。故杜不用其說。九土之內。偃豬京陵無物可入。而言九土之所入者。總言之。

周鄉遂田制

又見兵制

禮地官司徒鄉師鄉老鄉大夫州長黨正族師閭胥

比長

鄉之屬別自五家之比積之爲萬二千五百家之鄉

遂人遂師遂大夫縣正

鄙師鄆長里宰鄰長

遂之屬別自五家之鄰積之爲萬二千五百家之遂

注百里

內爲六鄉外爲六遂遂人主六遂猶司徒主六鄉

遂人掌邦之野以土地之圖經田野造縣鄙形體之

法

制分界也

五家爲鄰五鄰爲里四里爲鄆五鄆爲鄙五

鄆爲縣五縣爲遂皆有地域溝樹之使各掌其政令

刑禁以歲時稽人民授之田野簡兵器教稼穡

注鄆里節

鄆縣遂猶郊內比閭族黨州鄉也鄆司農云田野之

居其比伍之名與國中異制玄謂遂之軍法追胥起

役役如六鄉正義曰六遂之內上地有萊五十畷并

下劑致阡並異也小司徒注云鄉之田制與遂同但

彼鄉中唯見出軍無田制此遂人唯見田制無出軍

法故鄭注互見其義細論之仍有少異以其六鄉上

劑致民六遂下劑致阡六鄉凡治野以下劑致阡

雖受上中下田及會之以下劑爲率謂可任者家二

人疏六鄉之中其家一人爲正卒已下皆爲羨卒六

遂之中家一人爲正卒第二者爲以田里安阡

羨卒自外並無餘夫家取二人以田里安阡

田五畷以土宜教阡稼穡以興勸利阡時器勸阡疆

之宅予任阡

注謂民有餘力復以土均平政

注均平其稅

辨其



野之土上地中地下地以頒田里上地夫一廛田百畝萊

五十畝餘夫亦如之中地夫一廛田百畝萊百畝餘夫亦

如之下地夫一廛田百畝萊二百畝餘夫亦如之

注萊謂休不耕

者廛城邑之居疏此乃廛里任國中之地一也詩云

三百廛自是三百家之稅

易氏以爲此授田之常

法王氏曰頒田里所以分民爰

凡治野夫間有遂云

云疏此雖溝洫法與井田異制亦與井田溝澮廣濶同故約匠人井田之法而言

遂師經

牧其田野辨其可食者周知其數而任之注經牧制

田界與井也疏六遂制溝洫法又爲井田法者遂人

兼掌采地以采地有井田法故云經牧與小司徒文

同故鄭亦兼言井也云可食謂今年所當耕者也

縣師辨夫家人民田萊之數注郊內謂之易郊外謂之萊 小司徒攷夫屋注夫三爲屋屋三爲井出地貢者三三相任疏溝洫雖爲貢出貢之時亦三三相保任以出穀稅似井田之法亦八家鋤一夫稅入於公 案遂人夫間有遂之等是溝洫法鄉之田制與遂同此與匠人爲井田法其制與鄉遂不同 書費

誓三郊三遂疏天子六軍出自六鄉諸侯大國三軍出自三鄉三郊謂三鄉也六遂亦當出六軍鄉爲正遂爲副 詩采芑疏天子六軍千乘今三十乘則十八軍矣荆蠻內侵衆少則不足以敵之故羨卒盡起

有此三千也盖出六遂以足之或出於公邑不必皆鄉遂也 天官疏鄉遂爲溝洫不爲井田而云鄉田同井亦三三相任以出稅與井田同 大司馬注今邦國之賦如六遂 朱氏曰鄉遂以十爲數井田以九爲數所以不同

王制疏異義方千里凡百井三十六井爲山川坑岸六十四井爲平地出稅鄭注小司徒成方十里緣邊一里治爲溝洫則三十六井其餘方八里爲甸六十四井出田稅與異義不同

又見上

周任土法

宅田

圭田

公邑

公田

采地

畿內貢法 邦國助法

地官載師

上士二人中士四人

掌任土之法以物地

事授地職

載之言事也事民而稅之禹貢曰冀州既載問縣師遺均人官之長

以廩

里任國中之地以場圃任園地以宅田士田賈田任

近郊之地以官田牛田賞田牧田任遠郊之地以公

邑之田任甸地以家邑之田任稍地以小都之田任

縣地以大都之田任疆地凡任地國宅無征園廩二

十而一近郊十一遠郊二十而三甸稍縣都皆無過

十二唯漆林之征二十而五凡宅不毛者有里布田

不耕者出屋粟民無職事者出夫家之征注鄭司農

六廛市城中空地民宅曰宅宅田以備益多也士田  
百士大夫之子得而耕之田賈田者吏爲縣官賣財  
與之田官田者公家之所耕田牛田以養公家之牛  
實田賞賜之田牧田牧六畜之田司馬法曰王國百  
里爲郊二百里爲州三百里爲野四百里爲縣五百  
里爲都杜子春云五十里爲近郊百里爲遠郊玄謂  
廛里若今云邑里居廛民居之區域也圃植果蓏之  
屬季秋於中爲場宅田致仕者之家所受田也士讀  
爲仕仕者亦受田所謂圭田也孟子曰自卿以下必  
有圭田圭田五十畝賈田在市賈人其家所受田也

官田庶人在官者其家所受田也牛田牧田蓄牧者之家所受田也公邑謂六遂餘地天子使大夫治之自此以外皆然二百里三百里其上下大夫如州長四百里五百里其下大夫如縣正是以或謂三百里爲州四百里爲縣云遂人亦監焉疏云欲見六鄉之外有九等之田無公邑之意以其四等公邑非鄉遂又非采地不見有主治之故知使大夫治之家邑大夫之采

地小都卿之采地大都公之采地王子弟所食邑也畧五百里王畿界也皆言任者地之形實不方平如圖授田邑者遠近不得盡如制其所生育賦貢取正於是遂人夫一廛是廛里不謂民之邑居在都城者

與凡王畿內方千里積百同九百萬夫之地也山林川澤城郭宮室涂巷三分去一餘六百萬夫又以田不易一易再易上中下相通定受田者三百萬家也遠郊之內地居四同三十六萬夫之地三分去一其餘二十四萬夫六鄉之民七萬五千家通不易一易再易一家受二夫則十五萬夫之地其餘九萬夫廩里場圃宅田士田賈田官田半田賞田牧田九者亦通受一夫焉則半農人也定受田十二萬家也公邑甸稍縣都合居九十六同八百六十四萬夫之地於三分所去六而存一餘六百二十四萬矣之地通上

上中下六家而受十三夫定受田二百八十八萬家也其在甸七萬五千家爲大遂餘則公邑疏任土者任其力勢所能生育且以制貢賦也鄭司農云任地謂任土地以起稅賦也玄謂周稅輕近而重遠近者多役也園廛亦輕之者廛無穀園少利也 冬官匠人爲溝洫九夫爲井井間廣四尺深四尺謂之溝方十里爲成成間廣八尺深八尺謂之洫方百里爲同同間廣二尋深二仞謂之澮注此畿內采地之制九夫爲井井者方一里九夫所治之田也采地制井田其於鄉遂反公邑三夫爲屋一井之中三屋九夫以



出賦稅共治溝也方十里爲成成中容一甸甸方八  
里出田稅緣邊一里治洫方百里爲同同中容四都  
六十四成方八十里出田稅緣邊十里治澮采地者  
在三百四百五百里之中載師職曰園廛二十而一  
近郊什一遠郊二十而三甸稍縣都皆無過十二謂  
田稅也皆就夫稅之輕近重遠耳滕文公問爲國孟  
子曰夏五十而貢殷七十而助一本作藉周百畝而徹又  
問井田孟子曰請野九十而助國中什一使自賦云  
云惟助爲有公田雖周亦助也魯哀公問有若對曰  
盍徹春秋宣十五年秋初稅畝傳曰非禮也穀出不

過藉以豐財也。此數者，世人謂之錯而疑焉。以載師職及司馬法論之。周制畿內用夏之貢法，稅夫無公田。以詩春秋論語孟子論之。周制邦國用殷之助法，制公田不稅夫。貢者自治其所受田，貢其稅穀助者借民之力以治公田，又使收斂焉。畿內用貢法者，鄉遂及公邑之吏，旦夕從民事，爲其促之。以公使不得恤其私。邦國用助法者，諸侯專一國之政，爲其貪暴稅民無藝。周之畿內稅有輕重，諸侯謂之徹者，通其率以什一爲正。孟子云：野九夫而稅一，國中什一。是邦國亦異外內之法耳。鄭司農說以春秋傳曰：有田

一成列國一同

王制正義畿外諸侯雖立八公田其實諸侯郊外亦用貢法故鄭云邦國亦

異外內載師正義除三等采地鄉遂公邑皆為夏之貢法

疏鄉遂為溝洫法而

云鄉田同井者謂殷之助法雖鄉亦為井田六鄉六

遂與公邑皆為溝洫法三等采地乃為井田左氏杜

服引司馬法云甸方八里鄭注論語引司馬法成方

十里出長轂一乘注小司徒引司馬法成方十里十

人徒二十人並據郊遂之外及采地法未見所引證

周畿內之事貢稅之法古來皆什一故孟子說三代

云其實皆什一公羊傳云什一者天下之中正也什

一行而頌聲作矣自古以來貢與助皆不過什一

春秋宣十五年秋初稅畝穀梁曰古者公田藉而不  
稅初稅畝非正也古者三百步爲里名曰井田井田  
者九百畝公田居一私田稼不善則非吏公田稼不  
善則非民左氏曰穀出不過藉注周法民耕百畝公  
田十畝借民力治之稅不過此公羊注聖人制井田  
之法而口分之一夫一婦受田百畝以養父母妻子  
五口爲一家公田十畝卽所謂什一而稅也廬舍二  
畝半凡爲田一頃十二畝半八家而九頃共爲一井  
故曰井田井田之義一曰無泄地氣二曰無費一家  
三曰同風俗四曰合巧拙五曰通財貨司空謹別田

之高下善惡分爲三品上田一歲一墾中田二歲一

墾下田三歲一墾 孟子疏周禮地有三等孟子王

制論所入食人之衆寡有五等 周禮上地家七人孟子

子上農夫食九人 **管子**地員篇九州之土爲九十

物每土有常而物有次凡上土三十物種十二物凡

中上三十物種十二物凡下土三十物其種十二物

凡土物九十其種三十六 **漢刑法志**此卿大夫采

地之大者見乘馬法

周土會灋 上宜灋 土均灋

**地官**大司徒以土會之法辨五地之物生山林動物

宜毛植物宜阜民毛而方川澤動物宜鱗植物宜膏

民黑而津丘陵動物宜羽植物宜覈民專而長墳衍

動物宜介植物宜英民替而瘠原隰動物宜羸植物

宜叢其民豐內而庠注會計也以上土計貢稅之法計五地之所宜以土宜

之灋土方氏注九穀植穉所宜辨十有二土之名物十有二州也以相

民宅而知其利害以阜人民以蕃鳥獸以毓草木以

任土事注分野十二邦上繫十二次各有所宜辨十有二壤之物而知

其種以教稼穡種藝注以萬物自生則言土以人所耕藝則言壤以土均

之灋辨五物九等注五地分爲九等制天下之地征以作民

職以令地貢以斂財賦以均齊天下之政注五物五地之物也

萬曆十六年

九等駢剛赤縱之屬 疏地或云十等或云  
五地或云十二土草人有九等皆地勢所宜

小司

徒乃均土地

注均平也自二人

上地家七人可任家

三人中地家六人可任二家五人下地家五人可任

家二人

謂任力役之事

分地域而辨其守

注謂建邦國造都鄙制鄉遂也守虞

衡之屬

疏案大宰九賦一曰邦中二曰四郊二者

之賦在六鄉之內自二三四人是下地之三等等五

六七人是中地之二等八九十人是上地之三等等唯

言九

遂人 中大夫

凡治野以土宜教畎稼穡以土

均平政

土均

上土二人中土

掌平土地之政以均

地守地事地貢

注地守虞衡之屬地事農圃之職地貢諸侯九貢

草人

四掌土化之灋以物地相宜而為之種

地之輕重所宜用

司稼辨種稂之種周知其名與所宜地以爲法而縣

于邑閭

夏官土方氏

上士五人  
下士十人

辨土宜土化之法

而授任地者

任地者載  
師之屬

左傳先王物土之宜而布

其利故曰我疆我理南東其畝

晉李重傳奏周官

土均之法經其土地井田之制辨五物九等貢賦之

序 劉氏曰十有二土者卽十二州也州各有宜如

職方氏所掌周雖合十二州爲九州然本堯所分十

二異宜故職方氏從時王之制以正其名而大司徒

因上古之法以教民言十二壤者率一土復有此十

二之別當知其種之所入卽草人辨剛赤緹墳壤渴



海鹹瀉勃壤埴壚疆驩輕嬰凡九也又有青黎塗泥  
填壚土均之法九等者卽禹貢定天下之上田有上  
上至下下也

詩正義曰雨我公田民意之先公也駿發爾私上意  
之遜下也

周采地井田 夏采地數

匠人注此 內采地之制采地制井田異于鄉遂及  
公邑 小司徒注此謂造都鄙采地制井田異於鄉  
遂疏鄉遂公邑之中皆爲溝洫之法此爲井田之法  
都鄙是畿內之國小司徒與匠人共掌之一成之內

地有九百夫宮之塗巷三分去一不易再易一易  
率二而當一故一成惟有二百家革車一乘士七人  
徒二十人此謂畿內采地法司馬法革車一乘甲士  
三人步卒七十二人是畿外邦國法天子畿內三等  
采地大都小都家邑是也大司徒注都鄙王子

公卿大夫采地王制曰天子之縣內方百里之國  
七十里之國二十有一五十里之國六十有三此蓋

夏時采地之數周末聞矣司勳疏采地稅四之二

與小國入天子同賞田三之一與次國三之一入天

子同郊特牲唯社丘乘疏丘乘是采地井田之制

管子輕車百乘為耕田四萬頃。千乘為耕田十萬人。為分諸萬戶。開口百萬。當分者十萬人。輕車千乘。馬四匹。萬乘為耕田百萬頃。戶百萬。戶開口千乘。馬四匹。者百萬人。輕車四萬匹。

易氏以匠人為前代之制。遂人為成周之制。遂人言夫間有遂。舉一夫而言。匠人田首之遂。則舉百畝而言之。遂人言十夫有溝。舉旁加而言。匠人九夫之溝。則舉實數而言之。此其制之合也。若夫方十里為成。成間有洫。即九百夫之地也。則有異乎遂人百夫之洫。方百里為同。同間有澮。即九萬夫之地也。則異乎遂人千夫之澮。兩山之間必有川焉。則地勢自然之

川也則異乎遂人萬夫之川先儒疑之遂謂鄉遂采地之不同非特經無明文且井田之法通行天下抑何鄉遂采地之自為異制也通十為成成十為終終十為同文王司馬灋為商末之制則有合乎十里百里之說益稷之書曰濬畎距川是自然之川則有合乎兩山之間之說則匠人為前代之制明矣

### 秦轅田

左傳鄭子產使田有封洫廬并有伍子駟為田廛田陳轅頗賦封田對內晉作爰田分公田

之於所

晉語作轅田

賈侍中云

轅田

易也

為易田

之

界也

田

夏孔晁曰爰易也賞  
宋以田易其疆神

漢地理志秦孝公用商君制轄田開阡陌

韓奕注

張晏曰周制三年一易以同美也孟康曰三年爰土

易居古制也末世浸廢商鞅復立爰田上田不易中

一易下再易師古曰南北曰阡東西曰陌出風俗通

謂開田之疆畝食貨志歲耕種者為不易上田休

一歲者為一易中田休二歲者為再易下田三歲便

耕之自爰其處周禮素管皆  
有爰田之制史記商君傳鞅為田

開阡陌封疆而賦稅平蘇轍曰  
蘇轍商君開塞祭

澤曰次裂阡陌以等生民之業而一其俗蘇轍曰

言非秦所制開者乃剗削而非耕置

始皇紀三十一年使黔首自實

田 通典鞅以三晉地狹人貧秦地廣人寡故草不盡墾地利不盡出於是誘三晉之人利其田宅復三代無知兵事而務本於內而使秦人應敵於外故廢井田開阡陌任其所耕不限多少事公十二年之制

數年之間國富兵強降秦以後阡陌既弊又爲隱覈

隱覈在於權宜權宜憑乎簿書簿書既廣必藉衆功藉衆功則政由群吏而人無所信矣 唐突厥傳杜

佑謂周制步百爲畝畝百給一夫商鞅佐秦以爲地

利不盡更以二百四十步爲畝百畝給一夫 商子

來民篇秦地方千畝者五而穀土不能處三

漢代田后稷剛田

食貨志武帝末年儉征伐之事乃封丞相為富民侯

征和四年六月下詔曰方今之務在於力農以趙過

為搜粟都尉過能為代田一畝三剛歲代處故曰代

田古法也

注代易也

后稷始剛曰以二耜為耦

注剛華也耦並兩耜

而耕也

廣尺深尺曰剛

呂氏春秋任地篇后稷曰予能使子之野盡為冷風乎六尺之

耜所以成畝也其傳八寸所以成剛也耜柄尺此其

度也其耜六寸所以問稼也注古者以耜耕廣六尺

為畝二尺為剛又辨土篇凡耕之道晦欲廣以平剛

欲小以深正其行通其風夫必中央帥為冷風選注

引此云后稷曰深選注作清帥作師考工記匠人

為溝洫耜廣五寸二耜為耦一耦之代廣尺深尺

長終晦一晦三剛一夫三百剛而播種於中苗生

葉以上稍藉隴草因墮其土以附苗根

說文引漢李曰膠田祿炒

故其詩曰或去或茅黍稷儼儼芟除草也耔附根也

言苗稍壯每耨輒附根比盛暑隴盡而根深能風與

旱

注能讀曰耐

故儼儼而盛也其耕耘下種田器皆有便

巧率十二夫爲田一井一屋故晦五頃

注鄧展曰九夫爲井三夫

爲壘夫百畝於古十二頃古步百爲晦漢時二百四十步爲晦古千二百晦則得今五頃

用耦犁

二牛三人一歲之收常過縵田晦一斛以上

注不爲剛者

善者倍之過使教田太常三輔大農置工巧奴與從

事爲作田器二千石遣令長三老力田及里父老善



曰者受田器學耕種養苗狀民或苦少牛亡以趨澤  
 故平都令光教過以人輓犁過奏光以為丞教民相  
 與庸輓犁率多人者田日三十晦少者十三晦以故  
 田多墾闢過試以離官卒田其宮墻地課得穀皆多  
 其旁田晦一斛以上令命家田注有爵命之家三輔公田又  
 教邊郡及居延城有田卒是後邊郡河東弘農三輔太  
 常民皆便代田用力少而得穀多至昭帝時流民稍  
 還田野益辟頗有蓄積成帝時汜勝之使教田三輔

有書十八篇

周禮正義周時未有牛耦耕至漢時

搜粟都尉趙過始教民牛耕絕人耦或周末兼有牛

耦鄭云合人耦則牛耦可知 山海經后稷是播百  
穀稷之孫曰叔均是始作牛耕

文紀後元年春三月詔曰夫度田非益寡而計民未  
加益以口量地其於古猶有餘而食之甚不足者其  
咎安在其與丞相列侯吏二千石博士議之 鹽鐵  
論御史曰古者制田百步爲畝民井田而耕什而藉  
一先帝哀憐百姓之愁苦衣食不足制田二百四十  
步而一畝率三十而稅一

漢渠田

見河渠

漢名田

志董仲舒說武帝曰古井田難卒行宜少近古限民

名田以贍不足塞并兼之路

注師古曰各田古田也各爲立限不使富者過

制大事記元狩五年

哀帝卽位師丹輔政建言聖王莫不設

井田今民田宜畧爲限天子下其議丞相孔光大司

空何武奏請諸侯王列侯皆得名田國中

云云同後帝紀

遂寢不行

武帝時賈人有市籍及家屬皆無得名田犯令沒入田貨

哀紀綏和

二年卽位六月詔曰制節謹度爲政所先諸侯王列

侯公主吏二千石及豪富民田宅亡限與民爭利百

姓失職其議限列

條列爲限禁

有司條奏諸王列侯得名

田國中列侯在長安及公主名田縣道關內侯吏民  
名田皆無得過三十頃賈人皆不得名田爲吏犯者  
以律論諸名田過品皆沒入縣官注如淳曰名田國  
中者自所食國中也既收租稅又自得有私田三十  
頃名田縣道者令甲諸侯在國名田他縣罰金二兩  
今列侯有不之國雖遙食其國租稅復自得田於他  
縣道公主亦如之不得過三十頃市井子孫  
不得爲吏  
至嘉

傳詔書罷苑而以賜董賢二千餘頃均田之制從此

墮壞

張禹多買田至四  
百頃極膏腴上賈

注孟康曰自公卿以下至于

吏民名曰均田皆有頃數名品制中令均等

仲長

**傳**

昌言曰限夫田以斷并兼

文中子謂晁厝率

井田之序有心乎復古注厝說文帝曰五品之家服作者不過二人能耕者不過百畝古者一夫一婦受田百畝此井田之制

漢提封田

定墾田

郡國提封戶口

**地理志**

漢郡國一百三縣邑千三百一十四道三十

二侯國三百四十地東西九千三百二里南北萬三

千三百六十八里提封田一萬四千五百一十三萬

六千四百五頃其一萬二千五百八十八百八

十九頃邑居道路山林川澤羣不可墾其三千二百

二十九萬九百四十七頃可墾定墾田八百二十七萬五百三十六頃民戶千二百二十三萬二千六百十二口五千九百五十九萬四千九百七十八漢極盛矣。通典孝平元始元年置大司農部丞十三人

人部一州勸農祭二年定墾田八百二十七萬五

百三十頃戶千二百二十三萬三千每戶各得田六十

七畝百四十六步有奇。康衡傳初衡封僮之安樂

鄉鄉本田提封三千一百頃南以閩陌爲界注師古曰提封舉其封界內之總數。何武傳武爲刺史入

傳舍出記問墾田頃畝五穀美惡已廼見二千石以

爲常。

後漢志

世祖中興至于孝順凡郡國百五縣

邑道侯國千一百八十民戶九百六十九萬八千六百三十口四千九百一十五萬二百三十注伏無忌所記每帝戶口及墾田大數今列于後和帝永興元年墾田七百三十二萬一百七十頃八十畝四百十步安帝永光四年墾田六百九十四萬二千八百九十二頃二十三畝八十五步順帝建康元年墾田六百八十九萬六千二百七十一頃五十六畝一百九十四步每戶得田七十畝有奇冲帝永嘉元年墾田六百九十五萬七千六百七十六頃二十畝百八步

質帝本初元年墾田六百九十三萬一百二十三

三十八畝。紀光武建武十五年六月庚午詔下州

郡檢覈墾田頃畝及戶口年紀又考實二千石阿枉

不平者官志注胡廣曰秋冬歲盡各計戶口墾田錢穀入出上其集簿丞尉以下歲詣郡課校

十一月大司徒歐陽歙下獄以前守汝南度田不實十六年河

南尹張伋及諸郡守十餘人坐度田不實南郡守劉隆亦免

章帝建初元年正月丙寅詔曰比年牛多疾疫墾

田減少二千石勉勸農桑傳季忠建武六年遷丹

陽守墾田增多三歲流民占著者五萬餘口十四年

三公奏課爲天下第一杜詩建武七年遷南陽太

萬曆十六年



守脩治陂池廣拓土田

作水排

張堪建武中拜漁陽太

守乃於狐奴開稻田八十餘頃勸民耕種以致富實

麥穗兩歧

鄧晨爲汝南太守建武十八年興鴻郤

陂田數千頃

劉隆守南陽太守是時天下墾田多

不以實又戶口年紀互有增減十五年詔下州郡檢

覈其事而刺史太守多不平均諸郡各遣使奏事帝

見陳留吏牘上有書視之云潁川弘農可問河南南

陽不可問時顯宗年十二在幄後言曰吏受郡敕欲

以墾田相方耳

鮑永爲東海相坐度田不實

牟

長建武中遷河內太守坐墾田不實免

儒林

楊仁

拜什邡令墾田千餘頃

儒林

何敞和帝時守汝南

脩桐陽渠墾田增三萬餘頃

桓紀延熹八年八月戊辰初令郡國有田者畝歛稅錢十錢

漢公田 屬縣草田

紀宣帝地節三年冬十月詔曰流民還歸者假公田貸種食 元帝初元元年三月丙午詔以三輔太常

郡國公田及苑可省者振業貧民 傳蘇武始元六

年春賜公田二頃宅一區 貢禹請自城西南至山

西至鄠皆復其田與貧民 趙充國奏公田民所未

墾 東方朔建元三年上使大中大夫吾丘壽王與待詔能用筭者二人舉籍阿城以南蓋屋以東宜春以西提封頃畝及其賈直欲除以爲上林苑屬之南山又詔中尉左右內史表屬縣草田荒田未耕墾以償鄠杜之民朔進諫 廣陵王胥相勝之奏奪王射陂草田以賦貧民奏可 **志**趙過令命家田三輔公田

後紀明帝永平九年四月甲辰詔郡國以公田賜貧民各有差 章帝元和元年二月甲戌詔曰其令郡國募人無因欲徙他界就饒者恣聽之到在所賜給公田貫與田器勿收租五歲除筭三年其後欲還本

鄉者勿禁 安帝永初元年二月丙午以廣成游獵

地及被災郡國公田假與貧民 後樊準傳請如征

和元年故事持節慰安困乏從之悉以公田賦貧民

通鑑永初二年

孫寶傳紅陽侯立因南郡太守李

尚占墾草田數百頃頗有民所假少府陂澤畧皆開

發上書願以入縣官 云云

周載師官田 公邑之田

漢區種增耕

伊尹區田

劉般傳永平十一年兼屯騎校尉先是時下令禁民

二業又以郡國牛疫通使區種增耕 謂區隴而種而

吏多失實般上言郡國以牛疫水旱墾田多減故詔  
敕區種增進頃畝以爲民也而吏舉度田欲令多前  
至於不種之處亦通爲租可伸勅刺史二千石務令  
實覈其有增加皆使與奪田同罪帝悉從之注汜勝  
之書曰上農區田大區方深各六寸間相去七寸一  
畝三千七百區丁男女種十畝至秋區三升粟畝得  
百斛中農區田法方七寸深六寸間相去二尺一畝  
千二十七區丁男女十畝秋粟得五十一石下農區  
田法方九寸深六寸間相去三尺秋畝得二十八石  
旱卽以水沃之魏鄧艾傳值歲凶旱又爲區種

文選養生論田種者一畝十斛謂之良田不知區  
可百餘斛注汜勝之田農書云云讀詩記董氏曰  
區種法曰伊尹作爲區田一畝之中地長十八丈分  
十五町町間分十四道通人行

漢山陽稻田三品簿

後循吏傳秦彭建初元年遷山陽太守興起稻田數  
千頃每於農月親度頃田分別肥瘠差爲三品各立  
文簿藏之鄉縣於是奸吏無所容詐彭乃上言宜令  
天下齊同其制詔書以其所立條式班令三府並下  
州郡 王景建初八年爲廬江太守修起孫叔敖所

起芍陂稻田教用犁耕遂銘石刻誓使民知常禁

崔瑗傳遷汲令開稻田數百頃祭祀志注古今注

曰建武十八年七月使中郎將耿遵治皇祖廟舊廬

稻田前溝洫志內史稻田租挈重稻田使者見

昭紀

漁陽稻田張堪見上

晉限田 宋湖田

食貨志

通典同

晉武平吳之後有司奏王公以國爲家

不宜復有田宅當使城中有往來之處近郊有芻藁

之田今可限之國王公侯京城得有宅一處近郊田

大國十五頃次國十頃小國七頃男子一人占田七

十畝女子三十畝其外丁男課田五十畝丁女二十畝次丁男半之女不課其官品第一至第九各以貴賤占田品第一者占五十頃每品減五頃以爲差至第九品十頃而又各以品之高卑陰其親屬

傳玄

傳上便宜曰古以步百爲畝今以二百四十步爲一畝所覺過倍近魏初課田不務多其頃畝但務脩其功力故白田收至十餘斛水田收數十斛自頃以來日增田頃畝之課而功不能修理至畝數斛竊見河隄謁者石恢精練水事及田事知其利害乞中書名問得失

石苞傳奏遣掾屬循行均其土宜舉其殿





利豪右靡餘地之盈帝深納之由是始議均田九年

冬十月丁未

詔均給天下人田諸男夫十五以上受

露田四十畝

北齊八  
十畝

婦人二十畝

北齊四  
十畝

奴婢依良

丁半一頭受田三十畝

北齊六  
十畝

身沒則還田諸宰民

之官各隨遠近給公田有差職分田始於此八年秋

始班祿

北齊河清三年令男子十八受輸調二十

充兵六十免力役六十六退田免租調職事及百姓

請墾田者名爲永業田一夫受露田八十畝婦人四

十畝每丁給永業二十畝爲桑田不在還受之限土

不宜桑者給麻田

隋均田 永業田

通典隋文帝令自諸王以下至都督皆給永業田各有差多至百頃少至三十頃其丁男中男永業露田皆遵後齊之制並課植以桑榆及棗其田宅率三口給一畝開皇九年墾田千九百四十萬四千二百六十頃每戶二頃餘十二年文帝以天下戶口歲增京輔及三河地少而人衆議者咸欲徙就寬鄉帝乃發使四出均天下之田其狹鄉每丁纔至二十畝老小又少焉至大業中志云五年天下墾田五千五百八十五萬四千四十一頃每戶各得五頃

唐口分世業田

食貨志唐之始時授人以口分世業田而取之以祖庸調之法唐制二百四十步爲畝百畝爲頃授田之制丁男年十八以上人一頃其八十畝爲口分二十畝爲永業者及疾者人四十畝寡妻妾三十畝當戶者增二十畝皆以二十畝爲永業餘以口分永業之田植榆棗桑及所宜木田多可以足其人者爲寬鄉少者爲狹鄉狹鄉授田減寬鄉之半其地有薄厚歲一易者倍授之寬鄉三易者不倍工商寬鄉減半狹鄉不給凡徙鄉及貧無以葬者得賣世業田自狹從

寬得并賣口分田已賣不復授死者收之以授無田者凡收授皆以歲十月授田先貧及有課役者末徼中禁買賣世業口分田其後豪富兼并於是詔買者還地而罰之 官志田曹司田叅軍掌口分末業及陰田凡民田收授縣令給之 會要武德七年三月

二十九日始定均田賦稅凡天下丁男給田一頃十

分之二爲世業餘以爲口分身死則承戶者授之口分則收入官更以給人 通典天寶中應受田一千

四百二十萬三千八百六十二頃十三畝

按十四年戶八百九十萬

餘每戶一項六十餘畝

建中初

會要元年正月五日

分遣黜陟使按比墾

田數得百十餘萬頃 劉恕曰後魏均田制度似今世佃官田及絕戶田出租稅非如三代井田也魏齊周隋兵革不息農民少而曠土多故均田之制存至唐承平日久丁口滋衆官無閑田不復給授故田制爲空支唐志云口分世業之田壞而爲兼并似指以爲井田之比失之遠矣 林勳曰周制步百爲畝百畝僅得唐之四十餘畝耳唐之口分人八十畝幾倍於古蓋正觀之盛戶不及三百萬未徼惟增十五萬若周則王畿千里已有三百萬家之田列國不與焉是以唐制受田倍於周而地亦足以容之狹鄉雖裁

其半猶可當成周之制然按一時戶口而不爲異日計則後守法難矣既無振貧之術乃許之賣田後魏以來弊法也是以啓兼并之漸

紀開元九年正月括田通鑑二月乙酉敕有司議丁亥以宇文融充使括逃戶及籍外田 宇文融傳時

戶版列隱人去本籍詭脫誅賦豪弱相并融由御史

陳便宜請校天下籍收匿戶羨田以融爲覆田勸農

使諸道收沒戶八十萬田稱是

十一年六月壬辰爲勸農使

賈

敦願傳末徼中洛多豪右占田踰制敦願舉沒三千

餘頃賦貧民

建隆度民田 咸平均田

建隆二年正月丁巳分遣常參官詣諸州度民田乾  
德二年三月左司外郎張澹上井田制度戶籍沿革  
數四年閏八月乙亥詔長吏諭民開墾荒田惟納舊  
租令佐能勸課加一階淳化元年九月詔江浙多曠  
土令諸州籍畝均租每歲十減其三爲定制仍給復  
三年募民耕殖三年二月遣使按諸州民田至道元  
年六月丁酉詔募民耕曠土爲末業蠲三歲租三年  
外輸三分之一墾田之數書州縣官印紙以俟旌賞  
二年七月直史館陳靖言願募民墾田官給耕具種



糧五年外輸租稅時皇甫選等相度宿亳陳蔡許鄧  
荒田二十餘萬填付靖興置咸平三年十一月甲申  
以靖爲京畿均田使令自擇京朝官分下諸縣六年  
三月大理丞黃宗旦言潁州陂塘曠土千五百頃命  
宗旦經度民應募者三百餘戶詔免租繇祥符六年  
六月御史張廣言曠土多請依宇文融條約檢覈帝  
曰此事未可據行王旦曰田賦不均須漸講改定天  
禧四年八月兩浙勸農使請收無田之稅慶曆中二司  
請於亳壽蔡汝如方田法均之而西京均稅郭諮言  
蔡州多逃田當先招輯由是中止嘉祐四年八月二

十七日命孫琳林之純席與言李鳳高本等相慶均

說又令分往均田五年四月丙戌詔三司置局詳定

三司使包拯諫議呂居簡戶部副使吳中復領其事

實錄云五年四月丙戌詔均田稅已而復罷初王洙

請用郭諮孫琳干步開方爲均田法班州縣嘉祐

四年六月二十五日中書言草澤陳師中上太平通

濟策言江淮閩浙廣南山水之鄉多堙塞詔蠲其稅

五年七月知唐州趙尚寬勸民墾闢荒田民多歸

之熙寧元年六月十五日京西言知唐州高賦募

兩河流民及客戶墾闢熙寧五年重修定方田法推

荒田興修陂堰詔褒之

行自京都始元豐八年十月丙戌罷之崇寧四年二

月十六日尚書省言神宗詔講方田以土色肥磽別

田美惡定賦調多寡今以熙寧方田敕可行者爲方

康熙三十六年刊

田法

卽周官土均之法

宣和二年六月十六日罷方

田

李泰伯著平土書

乾道五年九月十四日詔江東路有常平轉運司圩

田建康寧國太平池州共七十九萬餘畝不覆賣歲

輸租太軍倉

建康永豐圩紹興二年田二百九十七頃

端拱方田

咸平

景德方田圖

又見

河渠類

端拱二年正月詔興置方田命八作使竇神興等往

北面興功東壁則知定州張永德西壁則知邢州米

信各兼方田都總管二月癸亥帝與近臣議方田爲

戰守之備內出手詔諭邊將曰朕今立法令綠邊作  
方田已頒條制量地里之遠近列置寨柵此可以限  
其戎馬而大利我之步兵也雖使彼衆百萬亦無所  
施其勇自春至秋其功告畢持重養銳挫彼黠虜如  
此開復幽薊滅林胡有日矣

又見屯田

咸平五年

四月乙酉帝謂宰臣曰太宗朝翰林天文官孫士龍  
嘗論請於北邊置方田及令民田疏溝塍可以隔礙  
胡馬當時爲衆議所沮邊有殿直牛睿者亦言其事  
呂蒙正對曰此議當時亦以爲便尋命方田使副而  
中外咸以爲動衆勞費而武臣輩亦耻於營葺遂罷

之帝曰今若行之誠有所濟宜令有司詳度之  
六年十月八日甲子靜戎軍王能言於軍城東新河之  
北開方田廣袤相去皆五尺深七尺以限隔戎馬縱  
或入寇亦易爲防仍以地圖來上帝詔宰臣李沆等  
以圖示之皆對曰緣邊所開方田今專委邊臣漸爲  
之制故可以爲邊防之備乞與施行威虜順安軍亦  
宜興置興功之際虜寇或有侵軼可選兵五萬人分  
據險要漸須興置之十月甲子遂詔靜戎順安威虜  
軍界置方田鑿河以遏胡騎  
景德三年六月八日  
丙子原渭州鎮戎軍上新開方田圖且言戎人內屬

者皆依之得以安居帝以知鎮戎軍曹韋等能幹其職嘉之仍出示輔臣先是咸平三年十一月十日知雄州何承矩言兵有三陣日月風雲天陣也山陵泉水地陣也兵車士卒人陣也今用地陣設險以水泉作障相高下建陂塘縱有胡騎何懼奔衝臣早建屯田之計後戎人犯塞高陽一路士庶安居雖人役暫勞亦自匈奴之長策順安以去因而廣之審地勢而制塘濬自戢胡騎而息邊患矣咸平五年四月乙酉廣北邊方田以梗虜騎六年九月庚子莫州石普等準詔浚靜我順戎軍界營田河道畢功詔獎之景德二年

正月庚申尙嵐請修舊方田上以違契丹誓約不許  
河北塘泊自何承矩以後相循不廢仍領于沿邊屯  
田司明道二年成德守劄平奏自邊吳淀望長城、  
口乃契丹出入之地東西不及一百五十里今契丹  
多事我乘此以引水植稻爲名以開方田四面穿溝  
屈曲爲徑路纔令通步兵引曹鮑徐河及鷄距泉分  
注中溝數載之後必有成績遂密敕平漸建方田而  
侍禁劉宗言又請種木于西山之麓以法榆塞云可  
以限胡騎 曹韋傳始置弓箭手斥塞上弃地人角  
力勝者給田二頃再經秋穫課市一馬益賦田五上

畝一百人已上團爲一指揮卽要害處爲築堡使自  
塹其地爲方田以環之塞上諸塹率以丈五尺爲深  
廣之限山險不塹者但治使峭絕而已後皆以爲法  
韋知鎮戎軍上言鎮戎據平地便於騎戰非中國利  
請自隴山而東循古長城鑿塹爲限弓箭手給間田  
蠲其稅春秋耕斂出兵護之

至道開公田 三品田 勸農使

至道元年正月丙辰度支判官陳堯叟梁鼎言陳許  
鄆潁蔡宿亳壽自漢魏晉唐以來用水利墾田陳迹  
具在可開公田發江淮州軍散卒給官錢市牛及耕



具上覽奏嘉之詔大理丞皇甫選光祿丞何亮乘傳  
按視經度其役令募民耕墾免其稅二年七月庚申  
直史館陳靖言京畿周環二三州幅員數千里地之  
墾者十才二三稅之十者入無五六望擇大臣典領  
大司農事選卽吏爲副自京東西申以勸課上覽之  
喜謂宰相曰此奏可舉行令條奏以聞靖又言復業  
又請佃者給授附版籍其田制爲三品上田人授百  
畝中田百五十畝下田二百畝並五年後收其租計  
百畝十收其三其室廬種藝之地每戶及十丁者給  
百五十畝七丁者百畝五丁七十畝二丁五十畝除

桑功五年後計其租呂端請付有司詳議詔鹽鐵使  
陳恕等議請如靖奏八月辛酉以靖爲勸農使按行  
陳許蔡潁襄鄧唐汝等州勸民墾田而選亮副之選  
言功難成願罷其事上志在勉農猶詔靖經度未幾  
三司以爲費多事遂寢先是五月辛丑令開封判官  
楊徽之等三人按行管內諸州民田旱甚者蠲其租  
五分以上實儼曰小畝步百周之制也中畝二百  
四十漢之制也大畝三百六十齊之制也今所用者  
漢之中畝

國史食貨志仁宗卽位之初詔諭民謹蓋藏上書

者言賦役未均田制不立因詔限田公卿已下毋過三十頃牙前將吏應復役者毋過十五頃止於一州之內任事者以限田不便未幾即廢時又禁近臣置別業京師著為法

**郭諮傳**

洛州肥鄉田賦不平諮

攝令以千步方田法四出量括遂得其數除無地之租者四百家正無租之地者百家收逋賦八十萬會三司議均稅法知諫院歐陽脩言天下不知均括之術惟諮方田法簡而易行詔諮與孫琳均蔡州上蔡稅三司議均田租諮陳均括之法十條

**呂景初傳**

遷右司諫安撫河北還奏比部員外郎鄭平占籍真

然嘉祐中薛向孫琳始議方田量步晦審肥瘠以定賦稅之入熙寧中呂惠卿復建手實挾私隱崇若新以實貧富之等元豐中李琮追究逃絕均虛數遽編戶以補失陷之稅三者皆爲國歛怨所得不補所失事不旋踵而罷。

### 紹興經界法

紹興十二年十一月五日癸巳浙漕李椿年言仁政必自經界始兵火之後文籍散亡戶口租稅雖版曹尚無所稽考兗州縣乎富者兼并貧者困弱皆由經界之不正臣嘗有按圖覈實之請其事之行始於吳

江知縣石公轍欲墜斷而行之將吳江已行之驗施於一郡一郡理然後施之一路一路理然後施之天下行之以漸則經界正而仁政行矣詔委椿年措置遂置局於平江十三年六月詔頒其法於天下十五年正月二十五日命戶部侍郎王鈇員外郎李朝正領其事十九年冬經界畢二十年三月戊戌下詔令監司將乖謬害民者改正然諸路田稅由此始均泉漳汀洲經界提刑孫汝翼以爲山賦未平民散田荒慮有不實丞奏罷之紹熙元年知漳州朱熹奏經界利害將行而寢

論語井田義圖

崇文目一卷

地之不闢非吾土也人之不農非吾民也乃爲閭里  
室家以蕃其生爲畊澮封畛以理計 耒耜錢鏹

以庀其器爲曆象氣候以授其時

田農戰相

乘漢制名田并兼不息 我疆我理南東其畝疆謂  
有夫有畛有涂有道有路以經界之理謂有遂有溝  
有洫有澮有用以疏道之其遂東入于溝則畝南矣  
其遂南入于溝則畝東矣

第一百七十六

玉海卷第一百七十七

浚儀王應麟伯厚甫

食貨

屯田

漢文帝募民耕塞下已有屯田之說武帝屯渠犂始有屯田之規成於昭宣廣於魏晉而極盛於唐大抵漢之屯田以兵唐之屯田以民歷代或民或兵蓋不一也

漢屯田渠犂 屯田輪臺 屯田車師

屯田莎車 屯田烏孫



西域傳自武帝初通西域置校尉屯田渠犂師行三十二年海內虛耗征和中貳師將軍李廣利降匈奴上旣悔遠征伐搜粟都尉桑弘羊與丞相御史奏言故輪臺以東捷枝渠犂皆故國地廣饒水草有溉田五千頃以上水經注西至姑墨六百七十里可遣屯田卒詣故輪臺以東置校尉三人分護各舉圖地形通溝渠益種五穀張掖酒泉遣騎假司馬爲斥候田一歲有積穀募民壯健者詣田所益墾溉田稍築列亭連城而西以威西國輔烏孫爲便上廼下詔深陳旣往之悔曰輪臺西於車師千餘里今請遠田輪臺

欲起事。遂是擾勞天下。非所以優民也。由是不復出  
軍。昭帝乃用桑弘羊前議。以杆彌太子賴丹爲校尉  
領軍。田輪臺。輪臺與渠犂地皆相連也。地節二年。漢  
遣侍郎鄭吉校尉司馬熹將免刑罪人田渠犂積穀  
欲以攻車師。至秋收穀。發諸國兵萬餘人。自與所將  
田二千五百人共擊車師。攻交河城破之。歸渠犂田  
收秋。復發兵攻車師。王於石城。車師降漢。有詔還  
田渠犂及車師。益積穀以安西國。侵匈奴。於是吉始  
使吏卒三百人別田車師。匈奴遣騎來擊田者。吉迺  
與校尉盡將渠犂田士千五百人往田。匈奴復益遣

騎來漢田卒少不能當保車師城中吉上書言車師去渠犁千餘里間以河曲北近匈奴漢兵在渠犁者執不能相救願益田卒公卿議以爲道遠煩費可且罷車師田者詔遣長羅侯出車師北胡騎引兵去吉迺得出歸渠犁凡三校尉屯田於是盡徙車師國民令居渠犁以車師故地與匈奴車師王得近漢田官是歲元康四年也其後元帝置戊己校尉屯田居車

師故地

前土庭

張騫始開西域於是自燉煌西至鹽澤

徒止起亭而輪臺渠犁皆有田卒數百人置使者校

尉領護以給使外國者至宣帝時

神爵三年

鄭吉旣爲都

護於是徙屯田於北胥鞬披莎車之地屯田校尉始屬都護

**辛慶忌傳**爲右校丞隨長羅侯常惠屯

田烏孫赤谷城與歙侯戰

**魏相傳**元康中匈奴遣

兵擊漢屯田車師者不能下上與後將軍趙充國等議欲因匈奴衰弱出兵擊其右地上從相言而止

匈奴傳地節三年西域城郭共擊匈奴取車師國得其王及人衆而去單于以兜莫爲車師王收其餘民東徙不敢居故地而漢益遣屯士分田車師地以實之明年匈奴遣左右大將屯田右地後二歲匈奴擊漢之田車師城者不能下

**元紀**建昭三年秋其延

壽陳湯橋發戍已校尉屯田吏士攻質支

都尉治烏壘城與渠

犁田官相近陳湯發車師戍已校尉屯田吏士

### 漢張掖屯田 三邊屯田

昭紀始元二年冬發習戰射士詣朔方調故吏將屯

田張掖郡元鳳三年正月詔曰非丞相御史所請邊

郡受牛者勿收責注應劭曰武帝始開三邊徙民屯

田皆與犁牛後丞相御史復間有所請令敕自名所

賜與勿收責丞相所請乃令其顧稅耳食貨志武

帝元鼎六年初置張掖酒泉郡而上郡朔方西河河

西開田官斥塞卒六十萬人戍田之法師古曰開田

始開屯田也。李陵傳陵將勇敢五千人教射酒泉

張掖以備胡數年復留屯張掖。鹽鐵論北邊置田官

以贍諸用而猶未足。縣曰效穀都尉曰宜禾。並燧

傳郎

### 漢伊循屯田

西域傳昭帝元鳳四年傅介子刺樓蘭王立尉屠耆  
爲王更名其國爲鄯善王自請天子曰國中有伊循  
城其地肥美願漢遣一將屯田積穀令臣得依其威  
重於是漢遣司馬一人吏士四十人田伊循以填撫  
之其後更置都尉伊循官置始此。夏四月封介子義

漢金城屯田畝留田十二便

趙充國傳元康三年先零與諸羌種豪鮮佻交質充

國曰宜遣使者行邊兵兩府白遣義渠安國召先零

諸豪三十餘人斬之諸降羌恐怒劫畧小種背畔犯

塞是歲庚申神爵元年春也三月上問誰可將者充國

曰無踰老臣時言七十餘願馳至金城圖上方畧紀夏四月遣後

將軍趙充國擊西羌充國至金城以遠并候為務行必為戰備

止必堅營壁持重愛士卒先討後戰酒泉太守辛武

賢奏以七月上旬分兵並出張掖酒泉合擊罕开在

鮮水上者

罕开在金城南

拜武賢破羌將軍

紀本

嘉納其册

充國廼上書陳兵利害曰臣位至上卿爵爲列侯太馬之齒七十六獨思惟兵利害至孰悉也於臣之計先誅先零則罕开之屬不煩兵而服不服涉正月擊之以今進兵不見其利六月戊申奏七月甲寅璽書報從充國計

云云

後罕竟不煩兵而下其秋上賜書

曰急因天時大利吏士銳氣以十二月擊先零充國度先零必壞欲罷騎兵屯田以待其弊作奏未上會得進兵璽書曰明主可爲忠言遂上屯田奏曰臣聞兵者所以明德除害也故舉得於外則福生於內不



可不謹臣所將吏士馬牛食月用糧穀歲十九萬九千六百三十斛鹽千六百九十三斛菱芡二十五萬二千八百八十六石難久不解徭役不息又恐他夷有不虞之變相因並起爲明主憂誠非素定廟勝之策其羗虜易以計破難用兵碎也臣愚以爲繫之不便計度臨羗東至浩亶羗虜故田及公田民所未墾可以千頃以上其間郵亭多壞敗者臣前部士入山伐材木大小六萬餘枚皆在水次願罷騎兵留弛刑應募及淮陽汝南步兵與吏士私從者合一萬二百八十一人用穀月二萬七十三百六十三斛鹽三百八斛

分屯要害處水解漕下繕鄉亭浚溝渠治湟陘以西  
道橋七十所令可至鮮水左右田事出賦賦謂班人與之

二十晦至四月草生發郡騎及屬國胡騎伉健各千  
倅馬什二就草爲田者游兵以充入金城郡益積蓄

省大費今大司農所轉穀至者足支萬人一歲食謹

上田處及器用簿惟陛下裁許

紀神爵元年秋後將軍充國言屯田之計

上報曰如將軍之計虜當何如伏誅兵當何時得決

充國上狀曰臣聞帝王之兵以全取勝是以貴謀而

賤戰戰而百勝非善之善者也故先爲不可勝以待

敵之可勝蠻夷習俗殊於禮義之國然其欲避害就

利愛親戚畏死亡一也今虜亡其美地薦草愁於寄託遠遯骨肉心離人有畔志而明主般師罷兵萬人官田順天時因地利以待可勝之虜雖未卽伏辜兵決可期月而望羗虜瓦解前後降者萬七百餘人及受言去者凡七十輩此坐支解羗虜之具也臣謹條不出兵留田便宜十二事步兵九校吏士萬人留屯以爲武備因田致穀威德並行一也又因排折羗虜不得歸肥饒之地貧破其衆以成羗虜相畔之漸二也居民得並田作不失農業三也軍馬一月之食度支田一歲罷騎兵以省大費四也至春省甲士卒循

河湟漕穀至臨羌以眎羌虜揚威武傳世折衝之具  
五也以間暇時下所伐材繕治郵亭充入金城六也  
兵出乘危徼幸不出令反畔之虜竄於風寒之地離霜  
露疾疫疥墮之患坐得必勝之道七也亡經阻遠追  
死傷之害八也內不損威武之重外不令虜得乘間  
之勢九也又亡驚動河南大牙小牙使生他變之憂  
十也治湟陜中道橋令可至鮮水以制西域信威千  
里從枕席上過師十一也大費旣嘗繇役豫息以戒  
不虞十二也留屯田得十二便出兵失十二利上復  
賜報曰虜聞兵頗罷且丁壯相聚攻擾田者將何以

止之充國奏曰今留步士萬人屯田地執平易多高山遠望之便部曲相保爲塹壘木樵校聯不絕便兵弩飭闔具燧火幸通執及并力以逸待勞兵之利者也臣愚以屯田爲內有亡費之利外有守禦之備虜見萬人留田爲必勝之具其歸德宜不久矣虜且必瓦解其處不戰而自破之冊也充國奏上輒下公卿議臣初是充國計者什三中什五最後什八有詔詰前言不便者皆頓首服丞相魏相曰臣愚不習兵事利害後將軍數畫軍冊其言常是臣任其計可必用也上於是報充國聽其計上以破羌

武強弩壽許延將

軍數言當擊。又用充國屯田處離散，恐虜犯之。於是兩從其計，詔兩將軍與中郎將卬出擊，強弩出降四千餘人，破羌斬首二千級。中郎將斬首降者亦二千餘級，而充國所降虜復得五千餘人。詔罷兵，獨留充國屯田。二年五月，充國奏羌本五萬人，軍凡斬首七千六百級，降者三萬一千三百人。溺河湟，飢餓死者五六千人。定計遺脫與煎鞏黃羝俱亡者不過四千人。請罷屯兵，奏可。充國振旅而還，其秋羌共斬先零大豪，猶非楊玉首及煎鞏黃羝之屬四千餘人。降漢初置金城屬國以處降羌。

純始元六年七月置金城郡

漢隴西屯田

馮奉世傳永光二年秋隴西羌多姐旁五種反遣奉世將萬二千人騎以將屯爲名領兵屯田十月兵畢至隴西十一月並進羌虜大破斬首數千級餘皆走出塞上曰羌虜破散亡逃出塞其罷吏士頗留屯田備要害處明年二月奉世還京師

漢建武屯田

後傳劉隆建武四年平李憲遣隆屯田武當馬援建武四年冬上書求屯田上林苑中張純建武五年拜太中大夫監諸將營將兵屯田南陽王霸建

武六年爲討虜將軍屯田新安 鄭興詔留屯成鄴

漢順陽屯田 南陽屯田

李通傳建武六年夏領破姦將軍侯進捕虜將軍王霸等十營擊漢中賊延岑還屯田順陽屬南郡

漢廣武屯田 柳中屯田 漢陽屯田

後傳杜茂建武七年詔茂引兵北屯田晉陽廣武以備胡寇十二年遣謁者段忠將衆郡弛刑配茂鎮守北邊因發邊卒築亭候茂亦建屯田驢車轉運 班勇延光二年夏以勇爲西域長史將兵五百人出屯柳中明年正月勇至樓蘭以鄯善歸附特加三綬而



龜茲王降因發其兵到車師前王庭擊走匈奴伊蠡  
王於伊和谷收得前部五千餘人於是前部始復開  
通還屯田柳中今西州縣梁懂爲西域副校尉永初元  
年遂罷都護遣騎都尉王洪發關中兵迎懂都護段  
禧騎都尉趙博及伊吾盧柳中屯田吏士二年春還  
至燉煌傅燮爲漢陽太守叛羌懷其恩化並來降  
附乃廣開屯田列置四十餘營

漢三營屯田

郡國志注應劭漢官曰世祖中興海內人民可得而  
數裁十二三邊陲蕭條靡有孑遺鄯塞破壞亭隧絕

滅建武二十一年始遣中郎將馬援謁者分築烽候  
堡壁稍興立郡縣十餘萬戶或空置太守令長招還  
人民上笑曰今邊無人而設長吏治之如春秋素王  
矣乃建立三營屯田殖穀弛刑謫徒以充實之 馬

援傳十一年夏璽書拜隴西太守時朝臣以金城破

羗之西塗遠多寇議欲弃之援言不可帝然之詔武

威太守

東觀記  
曰梁統

令悉還金城客民歸者三十餘口使

各反舊邑援爲奏置長史繕城郭起塢候開導水田  
勸以耕牧部中樂業乃罷馬援軍 案傳有票騎將軍

杜茂十二年將弛刑守邊築亭侯亦建屯田北邊而

主霸為捕虜將軍詔弛刑與茂築起亭障自代至平  
 城則助茂者也馬成十四年為揚武將軍屯中山常  
 山并領建義朱祐營又代杜茂治障塞皆十里一候  
 則繼茂者也建武十五年騎都尉張堪領茂營馬援十一年守隴西  
 開水田勸耕牧二十一年築堡塞擊烏亘則與漢官  
 相應者也但是時援為伏波非中郎將補注疑有誤  
 [紀]建武六年十二月癸巳詔軍士屯田糧儲差積  
 令田租三十稅如舊制 荅臧官詔北狄尚疆屯  
 田警備

漢屯田伊吾 宜禾都尉

紀明帝永平十六年春二月遣太僕祭彤出高闕奉

車都尉竇固出酒泉駙馬尉耿秉出居延騎都尉來

苗出平城伐北匈奴竇固破呼衍王於天山留兵屯

伊吾盧城注本匈奴中地名既破呼衍取其地置宜

禾都尉以爲屯田前地理志燉煌郡廣至有宜禾都尉治章帝建初

二年三月甲辰罷伊吾盧屯兵匈奴復遣兵守其地元年正月楊終疏

曰今伊吾之役樓蘭之屯兵久而未還非天意也和帝永元二年五月已

未遣副校尉閻薨討北匈奴取伊吾盧地四年正月

遣左校尉景夔授於除韃印授使中郎將任尚持節

衛護屯伊吾如南單于故事順帝永建六年三月

辛亥復伊吾屯田復置伊吾司馬一人

**竇固傳**帝

欲擊匈奴通西域以固明習邊事永平十六年固率酒泉燉煌張掖甲卒及盧水羌胡萬二千騎出酒泉塞擊呼衍王追至蒲類海留吏士屯伊吾盧城

**西**

**域傳**自燉煌西出玉門陽關涉鄯善北通伊吾千餘

里自伊吾北通車師前部高昌壁千二百里自高昌壁北通後部金滿城五百里此西域之門戶也故戊巳校尉更互屯焉伊吾地宜五穀桑麻其北又有柳中皆膏腴之地故漢常與匈奴爭車師伊吾以制西域焉安帝元初六年遣行長史索班將千餘人屯伊

吾順帝永建六年復開設屯田如永元時置伊壽司馬一人

漢護羌屯田

鄧訓傳章和二年護羌校尉張紆誘誅燒當種羌迷吾等諸羌怒欲報怨公卿舉訓代紆爲校尉訓因發湟中秦胡羌兵四千人出塞掩擊迷唐於寫谷迷唐遠徙餘皆款塞納質遂罷屯兵各令歸郡唯置弛刑徒二千餘人分以屯田修理城郭塢壁而已

漢永元屯田三十四部 龍耆屯田

後西羌傳永元十四年春侯霸爲護羌校尉擊滅叛羌

西海及大小榆谷無復羌寇隴麋相曹鳳上言以為  
 宜及此時廣設屯田隔塞羌胡交關之路邊絕狂狡窺  
 欲之源又殖穀富邊省委輸之役上從之繕修故西  
 海郡徙金城西部都尉以戍之於是拜鳳為金城西  
 部都尉將徒士屯龍耆即龍支縣後金城長史上官鴻上  
 開置歸義建威屯田二十七部侯霸復上置東西邯  
 屯田五部增留逢二部帝皆從之列屯夾河合三十  
 四部其功垂立至永初中羌叛乃罷

漢湟中屯田

西羌傳順帝永建元年隴西羌反校尉馬賢擊之皆

降至四年尚書僕射虞詡上疏曰禹貢雍州厥田惟

上沃野千里又有龜茲鹽池以爲民利

上郡龜茲縣有鹽官

水

草豐美土宜產牧因渠以溉水春河漕用功省而軍糧足故孝武光武築朔方開西河置上郡皆爲此也

書奏帝乃復三郡使謁者郭璜督徙者歸舊縣繕城

郭旣而激河浚渠爲屯田省內郡費歲一億計遂令

安定北地上郡隴西金城常儲穀粟令周數年其冬

韓皓爲校尉明年因轉湟中屯田置兩河間以逼羣

羌馬續代爲校尉兩河間羌以屯田近之恐見圖乃

解仇傲備續欲示恩信乃上移屯田還湟中羌意乃



安至陽嘉元年以湟中地廣更增置屯田五部并爲十部二年夏復置隴西南部都尉如舊制  
順帝紀  
陽嘉元年十二月庚戌置玄菟郡屯田六部

漢許下屯田 漢或云魏

通鑑漢建安元年中平以來天下亂離民弃農業諸軍並起率乏糧穀無終歲之計飢則寇畧飽則弃餘瓦解流離無敵自破者不可勝數袁紹在河北軍人仰食桑椹袁術在江淮取給蒲羸民多相食州里蕭條曹操旣破黃巾欲經畧四方而苦軍食不足羽林監棗祗建置屯田 魏志建安元年用棗祗 曹操乃下

令以祇爲屯田都尉以騎都尉任峻爲典農中郎將

募百姓

一作募民

屯田許下得穀百萬斛郡國列置田官

數年中所在積粟倉廩皆滿故操征伐四方無運糧之勞遂能兼并羣雄軍國之饒起於祇而成於峻建安中百姓流入荊州者十餘萬聞本土安寧皆企望思歸

魏志太祖欲廣置屯田使國淵典其事相土

處民計民置吏明功課之法五年中倉廩豐實

魏書

公曰秦人以急農兼天下孝武以屯田定西域此先

代良式也

漢合肥屯田 芍陂屯田

漢或云魏

通監

魏志同

建安五年冬廬江太守李述攻殺揚州刺

史嚴象廬江梅乾雷緒陳蘭等各聚眾數萬在江淮

間曹操表沛國劉馥爲揚州刺史時揚州獨有九江

馥單馬造合肥空城建立州治招懷乾緒等皆貢獻

相繼數年中恩化大行流民歸者以萬數於是廣屯

田興治芍陂及茹陂七門吳塘諸埭以溉稻田官民

有蓄乃聚諸生立學校又高爲城壘多積木石以修

戰守之備 魏武紀建安十四年七月軍合肥開芍

陂屯田

咸熙元年罷屯田官以均政役

晉志建安

中魏武以劉馥爲揚州刺史鎮合肥廣屯田修芍陂

茹陂七門吳塘諸竭以溉稻田公私有積歷代爲利  
**魏倉慈傳**建安中太祖開幕屯田於淮南以慈爲  
綏集都尉

漢諸葛亮屯田渭濱

**蜀志**建興二年春務農殖穀閉關息民三年三月永  
相亮南征四郡皆平九年二月圍祁山始以木牛運  
十年休士勤農於黃沙作流馬木牛畢教兵講武十  
一年冬使諸軍運米集於斜谷口治斜谷邸閣十二  
年二月由斜谷出始以流馬運

**諸葛亮傳**十二年

春

通監綱目十  
二年四月

亮悉大衆由斜谷出以流馬運據武

功五丈原與司馬宣王對於渭南亮每患糧不繼使

已志不申是以分兵屯田為久駐之基耕者雜於渭

濱居民之間而百姓安堵軍無私焉表于曰亮之治蜀田疇辟倉廩

實器械利蓄積饒水經渭水東逕武功縣北注諸葛亮

與步騭書曰前軍在五丈原原在武功西十里亮表

云臣遣虎步監孟琰搃武功水東司馬懿因水長攻

琰營臣作竹橋越水射之橋成馳去其水北流注于

渭漢水又東黃沙水左注之注溪曰五丈溪水側有

黃沙屯亮所開也呂乂傳為漢中太守兼領督農

供繼軍糧

吳志黃武五年春陸遜以所在少穀表令諸將增廣農畝報曰令孤父子親自受田車中入牛以爲四耜欲與衆均等其勞

陸遜爲海昌屯田都尉

賜呂蒙尋

陽屯田六百戶曹公遣朱光爲廬江太守屯皖大開稻田呂蒙破之

### 魏淮南北屯田

通鑑正始二年

晉志作四年

司馬宣王督諸軍伐吳時欲

廣置蓄穀於揚豫之間使尚書郎汝南鄧艾行陳項以東至壽春艾以爲昔太祖破黃巾因爲屯田積穀許都以制四方今三隅已定事在淮南每大軍出征

運兵過半功費巨億陳蔡之間土下田良可省許昌左右諸稻田并水東下令淮北屯二萬人淮南三萬人什二分休常有四萬人且田且守益開河渠以增溉灌通漕運計除衆費歲全五百萬斛以爲軍資六七年間可積三千萬斛於淮上此則十萬之衆五年食也以此乘吳無不克矣宣王善之

鄧艾傳積穀強兵值歲凶旱又

爲區種身被烏衣手執耒耜以率將士

是歲

晉紀三年三月

始開廣漕渠引河

入汴溉東南諸陂每東西有事大興軍衆汎舟而下達于江淮資食者有儲而無水害

**晉志**

載鄧艾事

云云

宣王善之皆如艾計施行遂北臨淮水自鍾離

以南橫石以西盡泚水四百餘里五里置營營六十

人且田且守

晉紀四年九月擊諸葛恪以滅賊之要在積穀乃大興屯守

兼修廣

淮陽百尺二渠上引河流下通淮潁大治諸陂於潁

南潁北穿渠三百里溉田二萬頃淮南淮北皆相連

接淮北倉廩相望

自壽春至京師農官屯兵鷄犬之

聲阡陌相屬每東南有事大兵出征汎舟而下達于

江淮資食有儲而無水害艾所建也

魏志文帝以譙舊鄉大徙民充之以爲屯田黃初

中車駕徙許昌大興屯田欲舉軍東征

王粲傳

徐邈

爲涼州刺史廣開水田募貧民佃之鄭渾於蕭相



二縣界與陂邊開稻田 梁習表置屯田都尉二人

王昶爲洛陽典農勤勤百姓墾田特多 胡質都

督青徐廣農積穀有兼年之儲置東征臺且佃且守

又通渠諸郡利舟楫嚴設備以待敵海邊無事 王

基曰江陵有沮漳二水溉灌膏腴之田以千數安陸

左右陂池沃衍若水陸並農以實軍資然後引兵詣

江陵夷陵分據夏口順沮漳資水浮穀而下 袁渙

新募民開屯田民不樂多逃亡渙白太祖樂者乃取

不欲者勿彊從之百姓大悅 並本傳

晉襄陽屯田

羊祜爲都督荊州諸軍事

泰始五年三月壬寅

祜率營兵

鎮南夏綏懷遠近得江漢之心吳石城守去襄陽

七百餘里祜以詭計令吳罷守於是戍邏減半分以

田八百餘頃大獲其利始至軍無百日糧及至季

有十年之積祜在軍常輕裘緩帶出軍行吳境刈

為糧皆計所侵送絹償之贖江衢如砥襁袂同歸

祜預都督荊州吳平還鎮入時脩台信臣遺跡激

水以浸原田萬餘頃分驪刊石使有定分

劉弘都督

周訪在襄陽務農誦卒 劉弘都督 州勸課農桑寬刑省賦歲用有年 陶侃爲荊州

百姓勤於農殖。桓宣鎮襄陽，勸課農桑，或載鉏耒於輶軒，或親芸穫於隴畝。范汪上疏曰：桓宣剪伐狼之林，招徠貳之衆，田疇墾闢，生產始立，襄陽頓益數萬口，奉帥之費，皆當出於江南，運漕之難，船人之力，不可不熟計。桓冲詔以荊州饑荒，歲運米二十萬斛以俱，軍資須年豐乃止。

扶風王駿鎮關中，勸督農桑，與士卒分役，已及寮佐，并將帥兵士等人，限田十畝。

晉屯田

食貨志 咸寧元年十二月，詔以鄴奚官奴婢著新城。

代田兵種稻五十人爲一屯屯置司馬如屯田注元  
帝爲晉王課督農功詔二千石長吏以入穀多少爲  
殿最非宿衛要任皆令赴農軍各田作卽以爲廩於  
興二年三吳大飢百官上封事後軍將軍應詹表曰  
軍興以來征戰遭運用度廢廣而游食者以十萬計  
間者流民奔東吳今已還江西良田曠廢未久火耕  
水耨爲功差易宜簡流人興復農官功勞報賞如魏  
氏故事一年中與百姓二年分稅三年計賦稅公私  
兼濟倉盈庾億可計日而待也趙充國農於金城平  
先零諸葛亮耕於渭濱抗上國魏武用棗祗韓浩之

蕭廣建屯田於征伐之中分帶甲之士隨宜開墾大  
力克舉又曰高祖使蕭何鎮關中光武令寇恂守河  
內魏武委鍾繇以西事今中州蕭條壽春一方之會

宜選都督有文武經畧者遠以振河洛之形勢近以  
爲徐豫之藩鎮綏集流散專委農功諸軍不對敵皆  
宜齊課

列傳溫嶠明帝時奏軍國要務曰司徒置

田曹掾州一人勸課農桑察吏能否今宜依舊置之  
籍田廩犧之官宜如舊制立此二官

殷浩上疏北

征許洛開江西墾田千餘頃以爲軍儲

蔡謨議曰

昔祖士稚在譙佃於城北慮賊來攻因以爲資故豫

安軍屯以禦其外，穀將熟，賊果至，丁夫戰于外，老弱獲於內，多得炬火，急則燒穀而走，如此數年，竟不得其利。

晉石鼈屯田

食貨志：穆帝升平初，荀羨爲北府都督，鎮下邳，起田

于東陽之石鼈，公私利之。

本傳云：北鎮淮陰屯田于東陽之石鼈。通典在臨

淮郡界。

**隋志**：北齊乾明中，蘇珍芝議脩石鼈等屯，歲

收數十萬石。淮南糧足，皇建中，嵇晔開督亢陂，置屯田，又河內置懷義等屯。

齊芍陂屯田

齊史高祖勅檀崇祖修理芍陂田曰卿但努力營田

自然平殄虜寇昔魏置典農中郎將募民屯田而中

都足食晉開汝潁而河汴委儲卿宜勉之陂在壽州安豐縣東

徑百里灌田萬頃東漢廬江太守王景修起孫叔敖芍陂稻田南齊祖冲之作

安邊論欲開屯田廣農殖

元魏發河北數州田兵通緣淮戍兵合五萬餘人廣

開屯田范紹為西道六州營田大使勤於勸課頻歲

大獲

隋屯田營田

北史元魏大統十二年大旱秘書丞李處請立農官

取州郡戶十分之一爲屯田人一夫之田歲貢六十

斛

通監大統七年置屯田 十一年蘇綽置屯田以資軍國

隋志北齊河清二

年定令緣邊城守之地皆營屯田置都使子使以統之一子使當田五十頃歲終考其所入隋開皇三年令朔州總管趙仲卿於長城以北大興屯田以實塞下又於河西立堡營田積穀京師置常平監

唐太原屯田 代州屯田

通監武德六年十月并州大總管府長史竇靜請屯田太原歲收數千斛十一月辛巳秦王請增置屯田於并州之境從之 列傳竇靜爲并州府長史高祖



時突厥數爲邊患糧道不屬靜請屯田太原以省餽  
運議者以流亡未復不宜重困於是召入與裴寂蕭  
瑀封倫延議寂等不能屈帝從之歲收粟十萬斛 張  
公謹貞勸初爲代州都督置屯田以省餽運 賈軌  
度羌必爲患始屯田松州 李素立領瀚海都護開  
屯田虜益畏威 循史

唐朔方營田 營州屯田

列傳張儉高祖時遷朔州刺史時頡利可汗方彊儉  
教民營田歲收穀數十萬斛李靖平突厥儉檢校代  
州都督勸墾田力耕歲數稔私蓄富乃廷平糴法入

之官 宋慶禮爲河北支度營田使

開元五年三月庚戌復置營州

都督於柳城

元宗時兼營州都督開屯田八十餘所不數

年倉廩充 姜師度神龍初爲河北支度營田使始

廝溝於薊門以限奚契丹元宗徙營州治柳城拜營

田支度修築使徙同州刺史派洛灌朝邑河西二縣

闕河以灌通靈陂收弃地二千頃爲上田置十餘屯

帝幸長春官嘉其功詔褒美

開元八年十月十七日

師度開置朝邑屯田

唐軍府營田 屯田項畝 東都營田

食貨志唐開軍府以捍要衝因隙地置營田天下屯

總九百九十二司農寺每屯三頃州鎮諸軍每屯五

十頃

諸本作十頃唐書作五十頃

水陸腴瘠播殖地宜與其功庸

收率之多少皆決於尚書省苑內屯以善農者爲屯

官屯副御史循行蒞輪上地五十畝瘠地二十畝稻

地八十畝則給牛一諸屯以地良簿與歲之豐凶爲

三等具民田歲獲多少取中熟爲率有警則以兵若

夫十人助收隸司農者歲三月卿少卿循行治不法

者凡屯田收多者褒進之歲以仲春藉來歲頃畝州

府軍鎮之遠近上兵部度便宜遣之開元二十五年

詔屯官敘功以豐凶爲上下鎮戍地可耕者人給十

畝以供糧方春屯官循行謫作不時者凡天下屯田收穀百九十餘萬斛憲宗末天下營田皆雇民或借庸以耕又以瘠地易上地民間苦之穆宗卽位詔還所易地而耕以官兵

百官志

屯田郎中掌天下屯

田司農有諸屯監一人丞一人掌管種屯田會功課屯主勸率營農督歛地課每屯生一人副一人諸冶監令掌鑄兵農之器給軍士屯田

通典大唐開元

十五年令諸屯隸司農寺名每三十頃以下二十畝以上爲一屯隸州鎮諸軍者每五十頃爲一屯應置者皆從尚書省處分取荒閑無籍廣占之地其屯官取

勲官五品以下及武散官并前資邊州縣府鎮戍八品以上文武官內簡堪者充據所收斗斛以定等級爲功優劣天寶八年天下屯收穀百九十一萬三千九百六十石關內五十六萬三千八百一十石河北四十萬三千二百八十石河東二十四萬五千八百八十石河西二十六萬八千八石隴右四十四萬九百二石 六典天下諸州屯九百九十有二河東道一百三十一屯大同軍四十橫野軍四十二雲州三十七朔州三蔚州三嵐州一蒲州五關內道二百五十八屯北使二鹽州監牧四太原一長春十單于三

十一定遠四十東城四十五西城二十五勝州十四  
會州五鹽池太原州四夏州二豐安二十七中城四  
十一河南道一百七屯陳州至壽州河西道一百五  
十六屯赤水 天山隴右道一百七十二屯渭州至

西使

河西隴屯歲入六十萬石

二百六十

河北道二百八屯幽州至

渝關劔南道九屯雋州八松州一開元二十三年一

二十二年

河南道陳許豫壽又置百餘屯二十五年敕以

爲不便并長春田三百四十餘頃並分給貧民 會

要開元八年六月同州刺史姜師度兼營田長春官

使二十九年十一月十七日敕新豐朝邑屯田令長

春官使檢校

列傳韋弘機高宗時擢司農少卿主

東官營田苑宦者犯法杖乃奏帝嗟賞李元紘當

國時廢京師職田議者欲置屯田元紘曰軍國異制

以閑手耕弃地省饋運實軍糧於是屯田內地爲

屯古未有也調役則業廢於家免庸則賦闕於國遂

止嚴郢上疏論陵陽渠以內苑蒔稻驗之秦地膏

腴田上上耕者皆畿人月一代功甚易又人給錢月

八千糧不在然有司常募不能足合府縣共之計一

農歲錢九萬六十米月七斛二斗大抵歲餼丁三百

錢二千八百八十萬米二千一百六十斛臣恐終歲

獲不酬費 顧少連留守東都表禁苑及汝園田  
耕以便民 杜亞正元中留守東都奏墾苑中為  
田可減度支歲稟詔許之先是苑地可耕者皆留司  
中人及屯士占假

唐甘州屯田

鄭元振傳 武后拜為涼都督元振遣甘州刺史李漢  
通關屯田盡水陸之利稻收豐衍舊涼州粟斛售

數千至是歲穀登至匹縑易數十斛支廩十年牛宰  
被野 陳子昂傳 武后時子昂上言涼州歲食六萬

斛甘州所積四十萬斛觀其山川誠河西咽喉地廣



粟多戶止三千勝兵精少屯田廣夷倉庾豐衍瓜肅  
以西皆仰其饋一旬不粒士已枵飢是河西之命係  
於其州矣且其四十餘屯水泉良沃不特天時歲取  
二十萬斛但人力寡乏未盡墾發今其州積粟萬計  
兵少不足以制賦若吐蕃大入則河西何以守宜益  
屯兵外得以防盜內得以營農其後吐蕃果入寇終  
后世為邊患

**六典** 其州一十九屯

劉仁軌為帶方州刺史平百濟鎮守其復戶版復防  
堰勸耕種營屯田以經畧高麗

唐桂州屯田

山南屯田

河源銀田

實應屯田 洪澤芍陂屯田

列傳王峻景龍末授桂州都督州有兵舊常仰餉衛  
永峻築鄆罷戍卒埭江開屯田數千頃以息轉漕人  
刻石頌德詔劉幽求爲辭 薛大鼎爲山南道副大  
使開屯田以實倉廩 隋史 黑齒常之調露中拜河

源道經畧大使建言河源富寇衝宜增兵鎮守廣運  
饒乃斥地七十所墾田五千頃歲取粟斛百餘萬食  
衍士精戍邏有備 裴師德以河源軍司馬知營田事

詳見農官

哥舒翰天寶八載攻吐蕃以赤嶺爲西

塞開屯田備軍實 徐申遷鄆州刺史按公田之廢

若募人假牛犂墾發以兩收半界之歲入三萬斛

薛瑄遷楚州刺史初州有暗軍相遙領使而刺史以

得專達俸及他給百餘萬田官數百歲以優得遷別

戶三千倍刺史廩役珎至悉條去之李元諒節度

隴右治良原闢美田數十里勸士墾闢歲入粟菽數

十萬斛杜佑鎮淮南吹雷陂廣灌漑斥海瀕棄地

為田積米五十萬斛列營三十區士馬整飭常冊

刺容州屯田二十四所教種茶麥〔地理志〕寶應縣

西南八十里有白水塘羨塘證聖中開置屯田長應

中與白水塘屯田發青徐揚州之民以墾之〔通典〕

上元中

肅宗

於楚州古射陽湖置洪澤屯壽春置方

陂屯厥田沃壤大獲其利

河間王孝恭遷荊州大總管置屯田立銅冶百姓利之

### 唐嘉禾屯田

唐文粹李翰蘇州嘉興屯田紀績頌其序曰自羯戎  
亂常兵連不解十有四年編戶三耗其二歸耕之人  
百無其一將多於官吏卒衆於農夫古者八家爲一  
鄰一家從軍七家從之猶曰興師十萬內外騷動不  
得操農桑者七十萬家令乃一夫家食一伍餘子衣

一卒聖上所以盱食宵興求古今令典可以濟斯難者莫出乎屯田廣德初

代宗

相國元公唱其謀分命

諸道節度觀察都團練使統其事擇封內閑田荒壤人所不耕者爲屯求天下良材善政以食爲首者掌其務屯有都知郡士爲之都知有治卽邑爲之官府官府旣建吏胥備設田有官官有徒野有夫夫有伍上下相維如郡縣吉凶相恤如鄉黨有誅賞之政馭其衆有教令之法頒于時此其所以爲屯也雖天子命之股肱贊之至於宣上命齊下力經地役制地事辨土直均土法簡稼器修稼政陳三壤之種以斂其

始考九農之要以成其終則都知之職專掌其事浙  
西觀察兼吳郡贊皇公謹擇厥官以對明命浙西有  
三屯嘉禾爲之大二十七屯廣輪  
曲折千餘里乃以大理評事朱  
自勉主之元年冬收若干斛數與浙西六州租稅埒  
頌曰夫伍棊布溝封綺錯旱則漑之水則洩焉曰雨  
曰霽以溝爲天

唐河南稻田

見農官

唐耕河中

通鑑太曆元年郭子儀以河中軍食常乏乃自耕百

三海卷之七  
天  
三百卅三  
畝將校以是爲差於是士卒皆不勸而耕是歲河中  
野無曠土軍有餘糧

唐豐州屯田

食貨志建中初

三年四月

宰相楊炎請置屯田於豐

州發關輔民鑿陵陽渠以增漑京兆尹嚴郢嘗從事  
朔方知其利害以爲不便

見上

疏奏不報郢又奏五

城舊屯其數至廣以開渠之糧貸諸城約以冬輸又  
以開渠功直布帛先給田者據佑轉穀如約則關輔  
免調發五城田闢比之浚渠利十倍也時楊炎方用  
事議不用而陵陽渠亦不成

婁師德傳天授初爲

左金吾將軍檢校豐州都督衣皮袴率士屯田積穀  
數百萬兵以饒給無轉餉和糴之費  
**李景略傳**拜  
豐州刺史地瘠鹵乃鑿咸應永清二渠溉田數百頃

唐北庭屯田

**劉昌傳**正元三年入朝詔以宣武兵八千出五原尋  
授京西行營田節度使歲餘改四鎮北庭行營兼節  
度七年城平涼開地二百里扼彈箏峽又西築保定  
扞青石嶺凡七城二堡旬日就十四年歸化堡軍亂  
逐大將張國誠詔昌經畧昌入堡誅數百人復使國  
誠統之昌在邊凡十五年身率士墾田三年而軍有



三河卷百二十一  
三百七十五 洪改  
美食兵械銳新邊障安寧。

裴識傳宣宗以識帥涇

原治堡障整戎器開屯田將士守邊者與立成限滿者代。

### 唐鄭滑營田

李復傳正元十年鄭滑節度使李融卒以復代復下令墾營田以廉其軍而賦不及民衆悅

### 唐振武屯田 唐邠寧營田

食貨志初度支歲市糧於北都以贍振武天德靈武

鹽夏之軍費錢五六十萬緡沂河舟溺甚衆

別本增一段見

屯田然振武天德良田廣袤千里元和中

七年冬文六年冬

振武軍饑宰相李絳請開營田可省度支漕運及絕和糴欺隱憲宗稱善乃以韓重華爲振武軍京西營田和糴水陸運使起代北墾田三百頃出贓罪吏九百餘人給以耒耜耕牛假借種糧使償所負粟三歲大熟因募人爲十五屯每屯一百三十人耕百畝就高爲堡東起振武西逾雲州極於中受降城凡六百餘里列柵二十墾田三千八百餘里歲收粟二十萬石省度支錢二千餘萬緡韓又省錢千三百萬通韓又省錢千三百萬八百頃收穀四十餘萬斛重華入朝奏請墾田五千頃法用人七千可以盡給五城會李絳罷後宰相持其議而

止

韓文八年冬

靈武邠寧土廣肥而民不知耕大和末王

起

判度支

奏立營田

會要開成十年

後党項大擾河西

宣宗時

邠寧

節度使畢誠亦募士開營田歲收三十萬斛省度支

錢數百萬緡

傳云時戍兵調餼乏誠募士置屯田

盧坦傳表韓重華

爲代北水陸使開廢田列壁二十益兵三千人歲收

粟二十萬石

盧簡方傳徙大同軍防禦使大開屯

田沙陀畏附

### 唐靈鹽屯田

李聽傳爲夏綏銀宥節度使又靈鹽部有光祿渠久  
廢廢聽始復屯田以省轉餉即引渠溉塞下地千頃

人賴其饒

唐郾城屯田 頌

高承簡傳蔡平詔析四縣爲潑州拜承簡刺史治郾城始開屯田列防庸瀕澗澱綿地二百里無復水敗皆爲腴田將吏立石頌功

紀大曆八年八月甲子廢華州屯田給貧民

唐涇原屯田

又見上

楊元卿傳穆宗擢涇原渭節度使元卿墾發屯田五千頃屯築高垣牢鍵閉寇至耕者保垣以守居六年涇人德之 段秀實爲營田官

唐義昌營田 紀功

殷侑傳文宗卽位

太和三年

李同捷旣平帝以侑嘗

爲滄州行軍司馬遂拜義昌軍節度使於是瘠荒之餘骸骨蔽野墟里生荆棘侑單身之官與下共勞苦以仁惠爲治歲終流戶襁屬而還遂爲營田巧耕牛三萬詔賜度支帛四萬匹佐其市初州兵三萬仰稟度支侑初至一歲自以賜入贍其半二歲則周用乃奏罷度支所賜戶口滋饒詹儲盈腐上下便安請立石紀功

拱河北營田營田使 方田

端拱二年二月壬子朔

稽古錄二月癸亥

以左諫議大夫陳

恕爲河北東路招置營田使魏羽副之右諫議樊知古爲河北西路招置營田使索湘副之先是自雄州東

際海多積水戎人患之未嘗敢由是路惟順安軍西

至北平二百里地方無閔故多從北入寇議者以爲

宜作方田實邊廩而限戎馬於是命使欲大興營田

也癸亥詔曰河朔之間富有膏腴之地法其井賦令

作方田三農必致於豐穰萬世可知於利澤先是雍

熙三年岐溝關君子館敗歸之後河朔之地耕桑失

業者衆屯戍又倍於往日故遺恕等爲方田積粟以

實邊

恕傳云詔罷營田止葺堡壘

會要凡諸路惟襄定唐三洲

有管田使而河北河東轉運使兼之

淳化河北屯田 屯田使

淳化四年三年二十四日壬子以六宅使何承矩爲制置河北松邊屯田使大理寺丞黃懋充判官懋嘗言河北州郡陂塘甚多引水溉田省功易就乞興水田三五年內必獲其利太宗嘉之以承矩初至滄州建屯田之議因遣按視復奏咸如懋言卽令承矩領護以懋爲佐發諸州戍兵萬八千人給其役凡雄莫霸州平戎破虜順安軍興國堰六百置斗門引汶水灌

漑是年八月稻熟民賴其利承矩載稻穗數車送關  
下先是四年三月六日甲午承矩言欲因水利大興  
屯田以便民從之令河北諸郡發卒墾田懋以臨津  
令上書請興作水田

志河北屯田治平三年有田三百六十七頃得穀三  
萬五千四百六十八石河北歲入無幾利在蓄水以  
限戎馬而已

### 咸平營田務

周廣德三年正月乙丑罷戶部營田務以民隸州縣  
是歲戶部增三萬餘戶襄州荒田四百八頃餘八十



敵淳河水入官渠唐州一百七十頃咸平二年四月

轉運使景望奏置營田務二十四日望及朱台符兼

本路制置營田五月乙酉從其請每歲於屬宋縣借

人半夏又差耨田夫六百人刈稻夫千五百人歲入

其廣是歲種稻三百餘頃汝州舊有南務雍熙中廢今復置墾六百頃後轉運張選

實錄改其法名人戶四十一萬五年三月三日選奏罷之未幾人

戶請免之務遂廢景德二年轉運許遜復奏興之天

聖四年轉運使言非便詔遣屯田員外郎劉漢傑同

定利害漢傑言得不補失九月辛未詔廢之以田賦

貧民每頃輸稅五分會要景望知襄州與通判何

臨規度言襄陽縣有淳河溉田三千頃宜城有蠻河  
溉七百頃又有屯田三百餘頃請以農隙調夫五百  
築隄堰於荆湖市牛七百頭真宗曰屯田久廢此足  
爲勸農之始詔望躬按視望請大理丞武程總其事  
程言不便

咸平屯田論

咸平四年九月癸酉

五日

太子中舍張宗誨

齊賢之子獻

屯田論三篇名試賜第

咸平屯田務 屯田使 景德屯田圖

咸平四年十二月壬戌陝西漕臣劉綜言鎮戎軍古

原州地衍沃歲輸芻糧四十五萬為錢五十餘萬請置屯田務開田五百頃置軍二千人牛八百頭立屯耕殖於城北至水峽口及城前復置堡寨四寨每寨

五百人

命知軍李繼和為屯田制置使今安國鎮有

古制置城壕戍鎮記謹錄上進從之五年六月丁亥

以知雄州何承矩兼制置屯田使

先是承矩兼屯田

事知順安軍馬濟亦兼管田事故承矩特相使額

五

年正月甲寅馬濟建議自靜戎軍鮑河開渠入順安威虜軍置水陸管田以隔胡騎詔石普護其役六年九月十三日庚子普言浚管田河畢功十月知保州

趙彬奏決鷄距泉又分徐河水南注運渠置水陸屯  
田以聞庚辰詔保州都監王昭遜與彬同領景德元  
年四月辛未詔保州置屯田兵籍十月詔相州草地  
未宜牧馬者官置牛具選習耕兵士置屯田莊癸未  
羣牧判官王曉請諸州依職田例募民種蒔以沃瘠

分三等輸課

二年正月丙辰詔定保雄莫霸州順安

平戎信安軍長吏兼制置屯田事舊兼使者如故三  
月詔保州塘水以溉屯田令官吏按視勿廢前功九  
月戊辰夔漕薛顏言施黔等州屯田歲獲粟萬餘石  
三年十二月己卯趙彬請於保州城東北廣屯田以

臣來獻上曰邊封徹警當勸課農民咸使樂業不必  
使賦畝妨墾殖祥符二年六月辛卯彬請增屯田務  
兵五百人五年正月令保安軍稻田務旬具墾殖功  
狀以聞七月六日河北安撫副使賈宗言緣邊塘泊  
隄道圖下屯田司遵守九年三月改定保州順安軍  
管田務爲屯田務保州歲墾八十頃天禧四年四月  
盧鑑增至百餘頃 景德元年四月六日遣郭盛乘  
傳詣靜戎順安視河渠 先是進營田河道圖 嘉祐四  
年鹽鐵判官楊佐等往保州視屯田塘泊隄道以圖  
上之命河北提刑薛向都水丞孫琳同張茂則相度

興修六年三月一日河南屯田使曹偕請罷每歲遣  
屯田司地圖從之熙寧四年二月十三日興治保州  
水田二十三日詔河北緣邊屯田務田悉以賦民官  
兵皆罷九年二月二十三日薛向奏安肅軍之東舊  
屯田務稻田南有二淀詔令相視元豐二年十二月  
知定州韓絳以封樁錢市地爲屯田四年六月二十  
九日定州路安撫兼都大制置屯田使雄保州兼屯  
田使通判兼判官先是寶元二年九月壬寅河北都  
轉運兼都大制置屯田使

慶曆緣邊屯田

慶曆元年十月十八日甲午命陝西漕司度隙地置

營田務辛丑詔陝西都總管司經置營田以助邊計

二年正月乙丑假同州沙苑牧地爲營田未幾五年

七月通汾邊吳淀塘泊下河北屯田司爲定制十二

月詔陝西四路總管及轉運並兼管田使六年五月

丁亥命戶部副使夏安期使陝西與提刑曹穎叔相

度典置緣邊屯田卒不果成熙寧五年四月十日延

州守趙禰請括閑田置弓箭手初禰上營田議曰昔

趙充國典屯田以破先零唐婁師德爲檢校營田使

而河西隴右三百六十屯歲入六十餘萬石今陝西

曠土未耕願募民墾闢至是復有是奏七年十一月  
七日秦鳳提刑鄭氏憲以熙河管田圖籍入對詔兼  
提舉熙河管田弓箭手令辟官屬以集事其法給田  
募民

紹興屯田集議 營田官

紹興元年九月二十九日庚申措置河嶺諸鎮屯田  
侍御史沈與求言承詔條畫屯田利害退而考閱漢  
昭帝始元二年屯田張掖始有屯田之令趙充國留  
屯以困羌曹操屯許下諸葛亮屯渭濱鄧艾屯於淮  
南羊祜杜預屯於荆襄應詹屯於江西荀羨屯於石



龍皆有遺跡可攷。隋唐以來頗采舊聞行之。至今沿江諸郡尚有屯田稅租之名。則江淞亦嘗屯田矣。淳化以來始用何承矩措置北邊屯田。開塘濬之利。以限北虜。西北二邊相繼益廣屯田。淮南京西夔路率常行之。天聖二年封事請鬻福建屯田。朱諫奏罷估賣。則屯田嘗行之福建矣。今以古今屯田利便可施於江淞者。纂其大畧。號曰屯田集議。上下二卷 詔付戶部。先是五月辛酉荆南鎮撫使解潛辟宗綱爲屯

田使。詔以綱爲營田官。其秋命河南淮南淮南措置屯田

十月十五日河南翟典兼營田使

二年二月七日

減淮南營田租入。四月二十四日，詔劉光世措置七月二十四日，司諫吳表臣言安復漢陽鎮撫使陳規措置屯田有條理。詔獎諭曰：得魯侯之重穀，同漢將之留田。十一月十八日，命孟庾、韓世忠措置建康江南北岸荒田，將兵馬屯田，倣陝西弓箭手法，以省國用。十二月二十八日甲寅，言者謂陳規屯田深得寓兵於農之意，令淮南倣行之。詔條畫以聞。三年二月七日，左司張綱等言：陳規屯田營田分爲二事，未合古制。欲命安撫鎮撫使各兼營田使從之。癸巳，下其法於諸鎮使行之。兵屯以使臣主之，民屯以縣令

主之以歲課多寡為殿最。四年八月五日侍御史魏  
 在論淮東屯田利害。上曰。招集流離使各安田畷。今  
 日急務也。胡松年對屯田唯荆南解潛畧措置餘皆  
 虛文無實效。五年十二月詔諭諸帥曰。朕考觀古昔  
 斟酌時宜欲豐軍食之儲必講屯田之制。充國經畫  
 於金城而兼得十二使之利。曹操始用於許下而遂  
 收百萬斛之饒。先積粟以為資。乃厲兵而必戰。八月  
 詔吳玠於梁洋成鳳岷州措置官莊屯田。已就緒。敕  
 獎之。書充國留屯之事。申建隆歲課之法。二十六日遣屯田郎樊賓隨  
 都督往江淮等路措置屯田。王弗同措置。六年二月

庚子諸路宣撫使制置大使兼管田大使壬寅安撫  
兼管田使六月二十一日丁巳管田官王弗侯對上  
謂輔臣曰一二年就緒庶寬民力昨在會稽嘗書趙  
充國傳賜諸將但上下不能奉承七月六日壬申詔  
提領江淮管田公事置司建康樊寶爲之王弗副之  
是歲收七十四萬石

七年六月乙丑詔帥臣兼提領

管田 其提領司限一月結局

九月吳玠與元洋州

管田收二十萬石詔獎之八年三月以玠管田法頒  
示諸軍十五年正月四川宣撫副使鄭剛中於階成  
二州開管田抵秦州界凡三千餘頃歲收十八萬石

減成都糴三之一丁卯從其請十六年三月工部奏  
立營田賞罰法三十二年三月十六日庚子兵部侍  
郎陳俊卿措置淮東堡寨屯田五月甲辰俊卿請募  
民耕荒蠲其繇役復租七歲工特許尹措置淮西十  
一月二十九日汪澈奏開襄陽二渠募兵民雜耕以  
措置京西營田司爲名命姚岳兼領  
隆興初陳之茂建掘圍田之議

紹興江淮屯田

紹興六年二月壬寅都督行府奏改江淮營田爲屯  
田先是言屯田者甚衆行之未見其效張浚出行邊

因出戶帖錢二十萬緡爲本於是官田逃田並拘  
每五頃爲一莊每莊官給牛五具種子農器副之  
共佃每家別給菜田十畝又貸本錢命樊賓王弗同推行焉七月壬申  
又置營田司

隆興營田

十說

隆興元年五月十七日丁未臣僚言營田十說一曰  
擇官必審魏武用任峻司馬懿用鄧艾是也二曰募  
人必廣趙充國留萬二百八十一人李彪請取戶十  
分之一是也三曰穿渠必深充國浚漕渠鄧艾開河  
渠是也四曰鄉亭必修充國繕鄉亭是也五曰器用

必備充國上器用簿是也六曰田處必利 漢屯張

掖魏屯許昌是也七曰食用必充充國屯田用穀月二萬七千餘斛是也八曰耕具必足李彪請以雜物市牛唐開元二十五年一頃五十畝配一牛是也九曰定稅必輕晉應詹上表一年與百姓二年分稅李彪上表一夫之田歲責六十斛蠲其雜役是也十曰賞罰必行晉元帝督課長吏以穀多少爲殿最齊武成河清中詔營屯田歲終課所入以論褒貶是也凡此十者營田之制盡矣 二年正月劉寶具到見管營田官莊四十二所田四百七十五頃八十五畝官兵

五百五人客戶二百六十五戶

先是詔令寶條具兩

淮屯田

### 乾道屯田

乾道元年二月二十四日詔郭振於六合措置屯田  
已就緒淮南東路屯田令郭振王弗周淙條具措置  
王弗等言紹興六年十二月二十九日旨揮以五十  
頃爲一屯作一莊三月十一日詔淮西湖北荆襄令  
沈介張松王炎楊俊王彥趙樽等措置  
三月三日戶部言浙西營田官莊共一百五十九萬餘畝二年六月  
十三日淮西言營田二百七頃六十五畝五年正月  
徐子寅爲大理正措置兩淮屯田官



求遂氏治野之灋修稻入稼澤之政芟以殄草剔以  
除木風以布種土以附根頒其法也冬耕春種夏耘  
秋穫朝循夕課日考旬會趨其時愷勤者勞之惰者  
勉之合耦助之移田救之宣其力也下稽功事達之  
於上上制祿食復之於下敘其勞也 渠犁之屯昉  
于孝武張掖之屯叙于孝昭 充國留田於漢鄙坐  
制先零重華給耒於唐軍卒全振武羊祐耕屯得十  
年之儲郭元振開置有數十年之積 漢武帝屯田  
車師渠黎於是始有屯田之名趙充國留田金城於是

始有屯田之利 田事出賦人三十畝至四畝草生  
發騎就草爲田者游兵則有趙充國之策令諸典農  
不復以商事雜亂專以農桑爲務則有司馬芝之議  
相土處民計民置吏明功課之法有如國淵大治諸  
陂穿渠溉田又通運漕之道有如鄧艾每屯百三十  
人就高爲堡凡六百餘里列柵二十有如韓重華

三代之隆寓兵於農因厥井田以奠軍賦出則兵居  
則農如左右手莫觀厥害自秦人開阡陌趨利急戰  
而良法掃地矣蘇漢以來弗克復古因世制宜有足  
稱者上郡河西分建屯官渠犂張掖調遣將吏臨羌

之屯充國力厥議許下之耕棗祇薦厥功或資步土  
或募諸民唐諸道爲屯九百二十有二如張儉治朔  
州韓重華田振武王起開邠軍畢誠營河西皆無出  
聞見迨于今稱之

### 職田

殷圭田 周圭田 士田

記王制夫圭田無征注圭田不稅以厚賢也正義徹  
內無公田故有圭田圭潔白也卿大夫德行潔白乃  
與之田此殷禮也殷政寬重賢故不稅周則通士稅

之故曰士田任近郊之地稅什一。

周禮載師士田

注仕者亦受田所謂圭田也。

易氏曰上中下疏凡大

夫士賜地有四種大夫以上有采有賞田及加田又

有士田及圭田王制夫圭田無征復是殷法故圭田

無稅入天子法故言無征周法近郊十一而稅孟

子卿以下有圭田圭田五十畝注圭潔也以其祭祀

惟士無田則亦不祭井田之民養公田者受百畝圭

田半之

方氏曰所以養庶絜之行

晉語大夫食邑士食田公田

也官宰食加

大夫之家田

叔向曰大國之卿一旅之田五

百頃

上大夫一卒之田

百頃

周賞田

禮載師賞田

見上

司勳掌六鄉賞地之灋

注賞田也

郊之內頒賞地參之一食

注賞地之稅參分計稅王

食其一也。二全入於臣疏

與次國三之惟加田無國正

注加田既賞之又加賜以田所以厚恩也。疏加

田或與賞田同處在田

在近郊加田在遠郊易氏曰賞地參之一食其

地雖媿惡多寡之不等

先鄭謂以下地可食三之而一故云不以美田為采邑而

皆以田百畝萊二百畝為準乃司馬令賦之灋也

田在遠郊後鄭說與遠郊二十而三背馳

先鄭以為

祿田亦有給公家之賦貢若今時侯國有司農少府

錢穀諸子凡國正弗及國子安得有祿田之稅所謂

國正者均人之力政此則無力政也 **左傳**晉以先

茅之縣賞胥臣瓜衍之縣賞士伯賜公孫段州田鄭

賜子展先八邑楚子重請取申呂爲賞田魏惠王

以公叔戰勝賞田百萬求吳起後賞田二十萬

**漢書**武帝賜卜式田十頃昭帝始元六年賜蘇武

公田二頃宅一區田蚡奉邑食 俞滿漁志 邑 紀

自永初兵荒王侯租秩多不充特詔以他縣租稅足

馮石令如舊限 **晉書**王導有賜田陳騫爲大司

馬給厨田十頃厨園五十畝衛瑾給厨田十頃

陶潛爲彭澤令有公田 **唐書**裴寂長安平賜田千

嘉靖丁巳年 三母長行三五 監生趙祖易

頃甲第一區。秦王以美田給淮安王神通。李襲  
譽曰。負京有賜田十頃。孔緯。僖宗賜天興良田。善  
和里第各一區。牛僧孺。樊鄉有賜田數頃。于志  
寧。張行成。高季輔。俱賜田。志寧。辭分其田與二人。  
鄭光賜鄭雲陽二縣良田。

寰宇記。樂城黎城。按唐開元十道要畧云。漢何斌爲  
蜀郡太守。以已祿米施惠百姓。此數城之民由是獲  
存。臨別。百姓以白米倍填。曰。荷君父之恩。無以報。後  
之州郡有職田。始於此。

隋職田

隋文帝開皇十四年初給職田。先是臺省府寺及州皆置公廨錢。收取給工部尚書。扶風蘇孝慈以爲官司出舉興生。煩擾百姓。敗損風俗。請皆禁止。給地以營農。上從之。六月丁卯。始詔公卿以下皆給職田。毋得治生與民爭利。一品五頃。至五品則三頃。其下每以五十畝爲差。開皇中又給公廨田以供用。

**通典** 晉公卿各有菜田。及田騶多少之級。後魏孝文帝和五年。刺史太守給公田。

唐職田頃畝簿 武德制祿 官職分田

**食貨志** 武德元年。文武官給祿。頗減隋制。一品七百



石至從九品三十石皆以歲給之外官則否一品有職分田十二頃二品十頃三品九頃四品七頃五品六頃六品四頃七品三頃五十畝八品二頃五十畝九品二頃皆給百里內之地諸州都督都護親王府官二品十二頃三品十頃四品八頃五品七頃六品五頃七品四頃八品三頃九品二頃五十畝鎮戍關津岳瀆官五品五頃六品三頃五十畝七品三頃八品二頃九品一頃五十畝

會要武德元年十一月制

三衛中郎將

上府折衝都尉六頃至隊正副八十畝親王以下至職事官又有永業田自一畝至武騎尉六十畝流內

九品以上口分田終其身六十以上私停乃收凡給田而無地者畝給粟二斗京師及州縣又皆有公廩田以供公私之費其後以用度不足京師有俸賜而已諸司置公廩本錢以番官貿易取息計員多少爲月俸料正觀初百官得上考者給祿一季幾又詔得上下考給祿一年中書舍人高季輔言外官卑品貧匱宜給祿養親自後以地租春秋給京官歲凡五十萬一千五百餘斛外官降京官一等一品以五十石爲一等至八品九品二石五斗爲一等正觀十一年以職田侵漁百姓詔給逃還貧戶親職田多少每畝

給粟二斗謂之地子是歲以水旱罷之十二年罷諸

公廨本錢

一本正觀十四年四月十四日罷

十五年置公廨本錢以

諸司令史主之號捉錢令史褚遂良疏罷之復給百

官俸十八年

三月十三日

以京兆府岐同華邠坊州

隙地陂澤可墾者復給京官職田光宅元年有納庫

品子開元十年

正月乙丑

收職田賦逃還貧民

畝率給倉

粟二斗

通典開元十年六月

月敕後九月以後停給職田

十八年

通典六月復置

公廨本錢十九年初置職田頃畝簿租價無過六斗

地不毛者畝給二斗二十九年以京師地狹計丁給

田猶不足於是分諸司在都者給職田於都畿以京

師地給貧民。是時河南北職田兼稅桑。有詔公廨職田有桑者毋督絲課。天寶十三載楊國忠以兩京百官職田送租勞民。請五十里外輸于縣倉。百官就請于縣。然縣吏欺盜益多。十四載兵興。權臣增領諸使。月給厚俸。比開元加數倍。至德初以用物不足。給半祿。上元元年復令京官職田以時輸送。其後籍爲軍糧矣。永泰元年百官請納職田克軍糧。大曆二年文武官月俸二十

大萬緡而增給居三之一。先是職田公廨田每歲六

月以白簿上尚書省覆實。至十月輸送。別有黃籍。歲

一易之。通典大曆以來減外官職田三分之一。以給京官俸。凡給米七十萬石。建中三

年復減百官料錢李泌爲相又增百官俸錢會昌後  
不復增減李元紘傳時廢京司職田議者欲置屯

田元紘曰得不補失徒爲煩費

會要開元十二年  
戶部侍郎李元紘

奚陟傳正元八年遷中書舍人先是右省雜給祇職  
田稟主事與拾遺等陟以奉稍爲率吏官有差會

要元和六年八月戶部侍郎李絳請州府闕官職田  
祿米及見任抽一分職田收貯以備水旱從之十三  
年三月辛亥詔百司職田多少不均宜令等差分給

庾敬休傳大和中戶部侍郎請以蜀道闕官職田

賑貧民詔可李吉甫傳疾吏員廣奏曰國家之制

官一品奉三千。職田祿米大抵不過千石。百官志  
屯田郎中掌文武職田。

唐公廨田

六典屯田郎中凡在京諸司有公廨田皆視其品命  
而審其分給司農寺二十六頃殿中省二十五頃少  
府監二十二頃太常寺二十頃京兆河南各十七頃  
太府寺十六頃吏戶部十五頃兵部內侍省各十四  
頃中書省將作監各十三頃刑部大理十二頃尚書  
門下左春坊各十頃工部光祿太僕寺祕書省各九  
頃禮部鴻臚都水詹事府各八頃御史臺國子監七

頃左右衛家令寺各六頃衛尉左右十二衛右春坊各五頃衛率寺大史局各四頃宗正寺千牛衛等各

三頃內坊內率府各二頃

舊志同

**百官志**屯田郎

中掌諸司公廨田以品給比部掌會公廨通監開

元十年正月癸亥命有司收公廨錢以稅錢充百官

俸 **楊綰傳**故事舍人年久者爲閣老其公廨雜料

獨取五之四綰悉均給之 **漢書注** 兒寬師古曰若

今諸司公廨牛羊

隋唐給田之制有三一曰永業二曰職分三曰公廨

隋開皇十四年六月丁卯詔省府州縣皆給廨田不得治生與人爭利

法用

咸平職田

咸平二年七月真宗欲興復職田三司請令依例輸稅詔三館祕閣檢討故事沿革以聞甲申檢討杜鎬等言按王制古者公田藉而不稅言借民力治公田美惡取於此不稅民之所自治也又曰夫圭田無征夫猶治也征税也孟子曰鄉以下必有圭田治圭田者不稅所以厚賢也周禮載師之職有士田有官田有賞田又以家邑之田任稍地以小都之田任縣地以大都之田任疆地家邑大夫之采地小都卿之采地漢制列侯皆衣食租稅而不得臣其吏民晉制有



獨彙之田大國十五頃、次國十頃、小國七頃、又占田之限、官第一品五十頃、二品以下每品減五頃、爲差九品十品、又得蔭人爲衣食客及佃客、後魏宰人之官各給公田、刺史十五頃、太守十頃、治中別駕八頃、縣令丞六頃、職分田起於此矣。北齊京城四面諸坊之外、三十里爲公田、一品以下逮羽林虎賁各有差。唐給職分田、又給公廨田、乞候、今秋令轉運使就近差官盡括係官水陸莊田、均給州縣長吏、次及通判幕職判司簿尉等官所占佃戶、止得以浮客充、仍免鄉縣差徭。如此則中才可革於貪心、上智益興於廢。

節百官廩賜莫或於唐月俸之錄既有食糴雜給錄  
囊之外又有利息本錢加沙白且執以防閤掌固之  
類悉許私用役使潛有所補五代所又裁得其半太  
祖始定漆文太宗增給實為職田之始廢於五代興  
於本朝而計臣以出納之者遂有惡議故事無論說  
之文從之祥符六年五月令三司檢會幕職州縣  
元定職田頃畝數付流內銓行別具轉運使副知州  
通判及京朝官使臣幕職州縣官等職田頃畝數目  
編錄以聞九年七月丙寅詔戒約職田遵守元制遇  
災疹即蠲省之

天聖復職田

天聖九年二月癸巳詔曰天下吏給職田所以養廉節也比詔有司皆從停罷如聞勤事之吏祿薄不足以自養其復職田七年八月丁亥詔天下職田租送者乞停職田七年丙子詔資政殿學士吳殊等詳定殊等上議詔依奏停罷

慶曆均公田 限職田

慶曆三年十一月壬辰詔曰先帝詔復公田合王制班祿之差得聖人養賢之義然郡縣受地有無不齊審審補員權利爲佯所宜給其所未給均其所未均紀慶曆三年十一月十一日大潘府長吏二十頃通判八頃

月壬辰限職田

職田

職田

職田

職田

職田

職田

職田

職田

官五頃餘並四頃節鎮十五頃防團以下州軍十頃  
小軍監七頃縣令萬戶以上六頃五千戶以上五頃  
不滿五千戶並四頃簿尉萬戶以上各三頃五千戶  
以上二頃五十畝不滿五千戶並二頃 云云 熙寧六  
年三月二十八日復詔詳定

紹興復職田

建炎元年六月乙酉以國用不足遂均天下職田隸  
憲司後復給之紹興末東南諸路收圭租二十三萬  
斛有奇州縣有過給者二十九年十二月癸酉命及  
格則止隆興初元六月又有權借一年之令乾道元

年七月辛亥又借三年八年十月丙戌復還之十二  
月詔嚴額收歛之禁

玉海卷第一百七十七